

MESYUARAT KEDUA, PENGGAL KETIGA
PARLIMEN KEEMPAT BELAS
2020

HARI KHAMIS : 23 JULAI 2020

JAWAPAN-JAWAPAN BAGI PERTANYAAN-PERTANYAAN JAWAB
LISAN YANG TIDAK DIJAWAB DI DALAM DEWAN
(SOALAN NO. 6, 14 HINGGA NO. 53)

**PEMBERITAHUAN PERTANYAAN DEWAN RAKYAT
MESYUARAT KEDUA, PENGGAL KETIGA,
PARLIMEN KEEMPAT BELAS**

PERTANYAAN : JAWAB LISAN

DARIPADA : PUAN JUNE LEOW HSIAD HUI [HULU SELANGOR]

TARIKH : 23 JULAI 2020 (KHAMIS)

SOALAN

Minta **MENTERI BELIA DAN SUKAN** menyatakan situasi pekerjaan belia ketika penularan wabak COVID-19. Apakah inisiatif Kerajaan bagi membantu belia yang terjejas akibat pandemik COVID-19 terutamanya isu pekerjaan.

JAWAPAN

Tuan Yang di-Pertua,

1. Antara inisiatif yang telah dirangka untuk mengatasi pengangguran di kalangan belia seperti berikut:

- (i) KBS akan menerajui pembangunan *Single Landing Page (one-stop center)* yang dinamakan Sistem MyBelia. Sistem ini menyediakan maklumat bersepadu (*integrated system*) berkaitan inisiatif-inisiatif yang telah disediakan oleh Kerajaan dan bukan Kerajaan yang merangkumi:

- Peluang pekerjaan;

- Penciptaan pekerjaan;
 - Latihan dan kemahiran; serta
 - Dana dan kemudahan yang ditawarkan/dilaksanakan oleh pelbagai agensi Kerajaan atau bukan Kerajaan.
- (ii) Melaksanakan Program Skim Perantisan Nasional yang merupakan tawaran baharu di bawah Inisiatif Kolaborasi Rentas Kementerian bagi:
- memberi pengalaman bekerja melalui jaminan pekerjaan oleh syarikat/organisasi yang terlibat; dan
 - membantu melonjakkan kebolehpasaran belia pasca COVID-19.

Program ini akan bermula pada bulan Ogos 2020 dan tempoh penempatan perantis adalah antara 3 hingga 6 bulan;

- (iii) Pelaksanaan Program myGIG bersama-sama Malaysia Digital Economy Corporation (MDEC) untuk meningkatkan keterlibatan belia dalam *ekonomi gig* atau *ekonomi perkongsian* untuk menjana pendapatan sama ada secara sambilan atau kekal. Program myGIG terdiri daripada:

- a) myGIG Servis menggunakan platform e-Rezeki, dengan sokongan Majlis Belia Malaysia (MBM) sebagai rakan strategik. Program ini dijangka akan memberi manfaat kepada 1,000 orang (348 belia sudah berdaftar); dan
- b) myGIG *Digital Freelance* menerusi platform Global Online Workforce (GLOW). Program ini dijangka akan memberi manfaat kepada 1,000 orang (522 orang sudah berdaftar). Program ini memperkenalkan peluang pekerjaan baharu secara digital dengan kemahiran tertentu seperti programming, pereka grafik dan lain-lain perkhidmatan yang berkemahiran.

- (iii) Selain dari itu, KBS akan turut melaksanakan Kolaborasi Rentas Kementerian bersama Kementerian Sumber Manusia yang membuka sehingga 5,000 peluang pekerjaan kepada belia. Inisiatif *place-and-train* yang diperkenalkan oleh Pembangunan Sumber Manusia Berhad (PSMB) akan turut memberikan *reskilling* dan *upskilling* kepada belia yang terlibat melalui Institut Latihan Kemahiran Belia dan Sukan (ILKBS) di bawah KBS;
- (iv) KBS turut memperkasakan belia melalui kursus-kursus instruktur kecergasan dan rekreasi di peringkat kebangsaan, negeri dan daerah terutamanya mereka yang berminat dalam kerjaya bidang sukan. Instruktur-instruktur terlatih ini dapat menjana pendapatan melalui pelaksanaan aktiviti sukan pada waktu pagi dan petang termasuk pada hari hujung minggu di kawasan rekreasi Pihak Berkuasa Tempatan, taman rekreasi, pejabat dan agensi kerajaan serta kawasan tumpuan ramai. Ketika arahan Perintah Kawalan Pergerakan bermula, instruktur kecergasan dan jurulatih kecergasan ini digesa menggunakan platform atas talian bagi mendapatkan pendapatan sampingan dalam membiasakan norma baharu ini. Sehingga kini, Kementerian telah menganjurkan Kursus Instruktur Kecergasan Senamrobik, Gimnasium dan Kursus Rekreasi Luar di seluruh negara dengan penyertaan sebanyak 1,655 orang; dan
- (v) KBS juga menjalankan program **TVETPRENEUR** di ILKBS dengan pemerkasaan Kurikulum Bidang Keusahawanan. Antaranya, aktiviti **Inkubator** dan **Maker-Space** membuka peluang untuk graduan TVET menceburi bidang keusahawanan terutamanya dalam bidang teknologi.
- (vi) KBS melalui ILKBS juga bekerjasama dengan Kementerian Pertanian dan Industri Makanan (MAFI) untuk melahirkan **AGROPRENEUR** terutamanya melalui program **Program Perintis Keusahawanan Agro**.

NO. SOALAN : 6

- (vii) Kluster Kerjaya di bawah Institut Pembangunan Kecemerlangan Kepimpinan (i-LEAD) dengan kerjasama Career Cube telah menganjurkan website seminar (Webinar) untuk membina kemahiran di kalangan belia dan membantu meningkatkan peluang pekerjaan.
 - (viii) Dengan kerjasama IMPACT Malaysia di bawah KBS dan TalentCorp di bawah Kementerian Sumber Manusia, Youth Virtual Career Fair telah dibuat pada 18-22 Mei 2020. Sebuah Karnival Kerjaya Belia (*MyMega Fair*) juga dirancang pada bulan Oktober 2020 dengan Kementerian yang sama.
2. KBS melalui Inisiatif Kolaborasi Rentas Kementerian bersama-sama dengan kementerian lain akan terus meneroka peluang dan ruang baharu untuk dimanfaatkan oleh golongan belia terutama untuk mengatasi isu pengangguran belia ini secara efektif dan holistik demi kebajikan anak muda di Malaysia.

Sekian, terima kasih.

**PEMBERITAHUAN PERTANYAAN DEWAN RAKYAT
MESYUARAT KEDUA, PENGGAL KETIGA,
PARLIMEN KEEMPAT BELAS**

PERTANYAAN : LISAN

**DARIPADA : DATUK SERI SHAMSUL ISKANDAR
@ YUSRE BIN MOHD AKIN
[HANG TUAH JAYA]**

TARIKH : 23 JULAI 2020 (KHAMIS)

SOALAN

minta **MENTERI PEMBANGUNAN LUAR BANDAR** menyatakan keadaan pembelajaran dan pengajaran pelajar-pelajar Orang Asli dalam tempoh Perintah Kawalan Pergerakan (PKP) dan bagaimana Kementerian memastikan anak-anak Orang Asli meneruskan pembelajaran ke sekolah selepas membuka semula sekolah.

JAWAPAN

Tuan Yang di-Pertua,

Untuk makluman Yang Berhormat, hanya terdapat sebilangan kecil sahaja masyarakat Orang Asli yang meneruskan pembelajaran dalam tempoh Perintah kawalan pergerakan (PKP) khususnya bagi pelajar yang tinggal di kawasan bandar dan pinggir bandar. Keadaan ini berlaku kerana terdapat kawasan penempatan Orang Asli masih lagi dikategorikan sebagai kawasan pedalaman yang mempunyai limitasi akses internet yang sangat terhad. Walaubagaimanapun Batin dan Majlis Pengurusan Komuniti Kampung (MPKK) Orang Asli adalah turut membantu pihak sekolah dalam proses pembelajaran dan pengajaran mengikut SOP yang telah ditetapkan.

Untuk makluman Yang Berhormat jua, pihak Kementerian melalui JAKOA telah membuat persediaan kepada pelajar-pelajar Orang Asli bagi memastikan mereka meneruskan sesi persekolahan pasca COVID-19 melalui :

- i. menyediakan bantuan perkhidmatan bas bagi mengangkut murid murid Orang Asli ke sekolah ;
- ii. memberikan bantuan wang saku kepada murid-murid Orang Asli yang hadir ke sekolah ;
- iii. menyediakan keperluan diri bagi murid-murid Orang Asli yang tinggal di asrama ;
- iv. bersama dengan pihak sekolah bagi membuat lawatan atau ziarah ke beberapa rumah waris / penjaga bagi memujuk anak-anak mereka untuk hadir ke sekolah ;
- v. JAKOA kerjasama dengan pihak ICT Kementerian akan mengadakan perbincangan dengan pihak Kementerian Komunikasi dan Multimedia (KKMM) bagi mengenalpasti plot kawasan capaian akses internet dan peralatan ICT mengikut penempatan Kampung Orang Asli (KOA) ; dan
- vi. JAKOA akan mengadakan perbincangan dengan pihak Kementerian Pendidikan Malaysia (KPM) bagi mendapatkan kerjasama strategik yang komprehensif dari aspek pengajaran dan pembelajaran (PdP), pengajaran dan pembelajaran alternatif(PdPa), pembelajaran dan pemudahcaraan (PdPc).

**PEMBERITAHUAN PERTANYAAN LISAN DEWAN RAKYAT
MESYUARAT KEDUA, PENGGAL KETIGA
PARLIMEN KEEMPAT BELAS**

PERTANYAAN : LISAN

**DARIPADA : DATO' SERI MAHDZIR BIN KHALID
[PADANG TERAP]**

TARIKH : 23 JULAI 2020 [KHAMIS]

SOALAN

Minta **MENTERI PERUMAHAN DAN KERAJAAN TEMPATAN** menyatakan apakah usaha pihak Kementerian bagi mengatasi masalah **kekurangan rumah mampu milik** bagi memenuhi keperluan rakyat terutamanya golongan belia memandangkan harga rumah pada ketika ini kenaikan harga rumah tidak sepadan dengan pendapatan isi rumah dan sejauh manakah pandemik COVID-19 mempengaruhi harga pasaran pada masa ini.

JAWAPAN

Tuan Yang di-Pertua,

1. Untuk makluman Yang Berhormat, antara usaha pihak Kementerian bagi mengatasi masalah kekurangan rumah mampu milik (RMM) bagi memenuhi keperluan rakyat terutamanya golongan belia adalah melalui pelaksanaan program dan skim perumahan seperti berikut:

- i) Program Perumahan Rakyat (PPR);
- ii) Perumahan Penjawat Awam Malaysia (PPAM);
- iii) Skim Perumahan Mampu Milik Swasta (MyHome);
- iv) Rumah Transit dan Rumah Transit Belia;
- v) Perumahan PR1MA; dan
- vi) RMM Syarikat Perumahan Negara Berhad (SPNB).

2. Antara inisiatif baharu yang dilaksanakan kerajaan adalah melalui Pelan Jana Semula Ekonomi Negara (PENJANA) 2020 untuk merencanakan semula pasaran hartanah seperti 3 inisiatif berikut:

i. Kempen Pemilikan Rumah / *Home Ownership Campaign* (HOC) 2020

Melalui Kempen Pemilikan Rumah 2020 (HOC 2020), insentif oleh Kerajaan diberikan melalui pengecualian duti setem dan insentif oleh pemaju perumahan diberikan melalui diskaun harga jualan sekurang-kurangnya 10%. Insentif pengecualian duti setem yang diberikan adalah seperti berikut:

BIL.	HARGA RUMAH (SEBELUM DISKAUN)	PENGECCUALIAN DUTI SETEM	TEMPOH PENGECCUALIAN
1.	<p>Harga rumah RM300,001 hingga RM2.5 juta yang dibeli daripada pemaju perumahan:</p> <p>(i) Berlesen di bawah Akta Pemajuan Perumahan (Kawalan dan Pelesenan) 1966 [Akta 118], Enakmen Pemajuan Perumahan (Kawalan dan Pelesenan) 1978, Sabah atau Ordinan Pemajuan Perumahan (Kawalan dan Pelesenan) 2013, Sarawak;</p> <p>(ii) Pendaftaran untuk menyertai HOC 2020 dengan REHDA, SHAREDADA atau SHEDADA; dan</p> <p>(iii) Diberikan diskaun sekurang-kurangnya 10% ke atas harga jualan rumah.</p>	<p><u>Surat cara pindah milik</u></p> <p>Pengeccualian duti setem 100% adalah terhad kepada RM1 juta pertama nilai rumah tersebut. Baki selebihnya adalah tertakluk kepada kadar 3%.</p> <p><u>Perjanjian Pinjaman</u></p> <p>Pengeccualian duti setem 100% ke atas keseluruhan perjanjian pinjaman</p>	<p>Bagi perjanjian jual beli yang disempurnakan pada 1 Jun 2020 sehingga 31 Mei 2021 dan disetamkan di mana-mana cawangan LHDNM.</p>

Nota: Pengeccualian duti setem ini **tidak layak** diberikan kepada penjualan rumah *subsale (secondary market)*.

ii. Pengeccualian Cukai Keuntungan Harta Tanah (CKHT)

CKHT ialah cukai yang dikenakan ke atas keuntungan dari hasil jualan hartanah. Pengurangan kadar cukai semasa tersebut akan dapat memberikan kesan positif dalam merangsang pasaran perumahan negara.

Di bawah PENJANA, pengeccualian CKHT diberikan kepada individu warganegara Malaysia ke atas pelupusan rumah kediaman yang dibuat mulai **1 Jun 2020 hingga 31 Disember**

2021. Pengecualian ini dihadkan bagi pelupusan **3 unit** rumah sahaja untuk setiap individu.

iii. Had Pembiayaan Bagi Pinjaman Perumahan / Loan to Value (LTV)

Loan-to-Value (LTV) ialah nisbah had pembiayaan yang ditawarkan oleh institusi kewangan bagi peminjam perumahan yang mempunyai 2 atau lebih pinjaman perumahan sedia ada tertakluk kepada pengurusan risiko peminjam.

Di bawah PENJANA, **had pembiayaan bagi pinjaman rumah ketiga dan seterusnya bernilai RM600 ribu ke atas** semasa tempoh HOC 2020 tidak lagi tertakluk kepada 70% daripada nilai rumah tetapi tertakluk kepada pengurusan risiko dalaman institusi kewangan.

3. Untuk makluman Yang Berhormat juga, buat masa ini KPKT tiada maklumat yang tepat mengenai sejauh manakah pandemik COVID-19 mempengaruhi harga pasaran pada masa ini. Berdasarkan rekod pendaftaran Lesen Pemajuan dan Permit Iklan Jualan Kediaman (APDL), trend permohonan pemaju sama seperti tahun-tahun sebelumnya dan tiada pengurangan permohonan lesen pemajuan. Namun begitu, terdapat pengurangan pada transaksi hartanah kediaman iaitu sebanyak 19% seperti maklumat berikut:-

PERKARA	2019	2020
Permohonan lesen baharu suku tahun	256	263
Pembaharuan lesen pada suku pertama	465	603
Transaksi hartanah kediaman	56 ribu unit	47 ribu unit (pengurangan sebanyak 19%)

4. Antara punca-punca pengurangan transaksi hartanah kediaman adalah:

- i. Pemaju perumahan tidak dapat membuat kempen jualan;
- ii. Kaedah pemasaran yang terhad; dan
- iii. Pembeli berhati-hati untuk membuat sebarang komitmen kewangan.

Walau bagaimanapun, jika dilihat trend tahun-tahun sebelum ini, transaksi pada suku tahun pertama sememangnya kurang berbanding pada suku tahun terakhir.

5. Kesimpulannya, program dan skim di bawah Kementerian serta inisiatif Kerajaan melalui PENJANA dilihat dapat membantu merencanakan kembali industri perumahan di samping memenuhi keperluan perumahan rakyat termasuk golongan belia.

Sekian, terima kasih.

**DEWAN RAKYAT
PEMBERITAHUAN PERTANYAAN
MESYUARAT KEDUA, PENGGAL KETIGA
PARLIMEN KEEMPAT BELAS (2020)**

PERTANYAAN : LISAN

DARIPADA : YB TUAN CHOW KON YEOW [TANJONG]

TARIKH : 23 JULAI 2020 (KHAMIS)

SOALAN

TUAN CHOW KON YEOW [TANJONG] minta **MENTERI ALAM SEKITAR DAN AIR** menyatakan perincian pelaksanaan Skim Penyaluran Air Mentah Sungai Perak (SPRWTS) dan bilakah dapat dimulakan memandangkan ia perlu disiapkan menjelang tahun 2025 bagi memenuhi keperluan sumber air mencukupi kepada rakyat dan industri di Pulau Pinang.

JAWAPAN

Tuan Yang Di-Pertua,

1. Skim Bekalan Air Mentah dari Sungai Perak (SPRWTS) melibatkan dua komponen iaitu:

- (i) pembinaan terowong air mentah bagi penyaluran air mentah dari negeri Perak ke Pulau Pinang secara geran oleh Kerajaan Persekutuan; dan
- (ii) pembinaan loji rawatan air (LRA) melalui pembiayaan oleh Pengurusan Aset Air Berhad (PAAB).

2. Kajian bagi komponen terowong air mentah dijangka dapat dimulakan pada September 2020 dan siap pada September 2021. Komponen LRA akan dipohon oleh operator air melalui Rancangan Perniagaan yang akan dikemukakan untuk kelulusan Suruhanjaya Perkhidmatan Air Negara.

3. Pelaksanaan projek ini dapat dimulakan setelah kedua-dua negeri memuktamadkan pendekatan pelaksanaan projek ini yang menyentuh isu dasar berkaitan bidang kuasa ke atas sumber air. Oleh itu, Kementerian ingin mencadangkan agar kedua-dua negeri agar segera mencapai persetujuan memandangkan projek ini penting untuk menangani masalah ketidakcukupan bekalan air di kawasan utara Perak dan negeri Pulau Pinang.

Sekian, terima kasih.

**PEMBERITAHUAN PERTANYAAN DEWAN RAKYAT
MESYUARAT KEDUA, PENGGAL KETIGA,
PARLIMEN KEEMPAT BELAS**

PERTANYAAN : JAWAB LISAN

**DARIPADA : TUAN YUSUF BIN ABD WAHAB
[TANJONG MANIS]**

TARIKH : 23 JULAI 2020 (KHAMIS)

SOALAN

Minta **MENTERI BELIA DAN SUKAN** menyatakan adakah perancangan untuk membina sebuah kompleks sukan di daerah Tanjong Manis. Kompleks tersebut sangat diperlukan untuk memberi kemudahan kepada belia-belia bergiat dalam aktiviti sukan sekali gus dapat menghindar mereka dari kegiatan melibatkan jenayah dan penyalahgunaan najis dadah.

JAWAPAN

Tuan Yang di-Pertua,

1. Untuk makluman Ahli Yang Berhormat, Kementerian Belia dan Sukan (KBS) pada waktu ini tiada perancangan khusus untuk membina kompleks sukan di kawasan parlimen Tanjong Manis. Namun begitu, Kementerian ini bersedia untuk melihat semula kemudahan sukan sedia ada di Tanjong Manis yang memerlukan kerja naik taraf atau fasiliti baru untuk kegunaan masyarakat setempat dengan kerjasama Kerajaan Negeri dan Pihak Berkuasa Tempatan. Sebarang perancangan berkenaan perkara ini akan dimuktamadkan di bawah Rancangan Malaysia ke-12 (RMK-12).

NO. SOALAN : 17

2. KBS telah menyediakan kemudahan sukan seperti Kompleks Sukan Komuniti Mukah dan 22 buah gelanggang futsal di Bahagian Mukah seperti berikut :

PARLIMEN	DUN	BIL	LOKASI
Igan P.207	Daro N.43	3	Kg. Masjid Daro, Daro
			Kg. Nangar, Daro
			Kg Pantray, Daro
	Jemoreng N.44	5	Kg. Bawang, Matu
			Kg. Kuala Matu, Jemoreng
			Kg. Tian, Matu
			Kg. Kuala Igan (A), Matu
			Kg. Kuala Igan (B), Matu
Tanjong Manis P.206	Kuala Rajang N.41	3	Kg. Belawai, Belawai
			Kg.Selalang, Belawai
			Kg. Stalon, Belawai
	Semop N42	4	Kg. Paloh, Daro
			Kg. Serdeng, Semop
			Kg. Penipah, Pulau Bruit, Daro
			Kg. Semop, Pulau Bruit, Daro
Mukah P.213	Dalat N.56	3	Kg. Kuala Oya, Oya
			Kg. Medong, Dalat
			Kg. Tanam, Dalat
	Balingian N.58	4	Kg. Masjid, Balingian
			Kg. Judan. Mukah
			Tapak Pesta Kaul (A), Mukah
			Tapak Pesta Kaul (B), Mukah
JUMLAH		22	

Sekian, terima kasih.

**PEMBERITAHUAN PERTANYAAN JAWAB LISAN DEWAN RAKYAT
MESYUARAT KE DUA, PENGGAL KE TIGA,
PARLIMEN EMPATBELAS**

PERTANYAAN : JAWAB LISAN

DARIPADA : YB TUAN GOBIND SINGH DEO (PUCHONG)

TARIKH : 23 JULAI 2020

SOALAN

TUAN GOBIND SINGH DEO [PUCHONG] minta **MENTERI DALAM NEGERI** menyatakan apakah tindakan yang telah pun dan akan diambil untuk menyelesaikan masalah pendatang tanpa izin dan nyatakan bilangan mereka di Malaysia dan senaraikan negara asal mereka dan sama ada Kerajaan sedang berbincang dengan negara-negara tersebut dalam usaha penyelesaian masalah ini dan sekiranya ada, apakah cadangan dan tindakan seterusnya.

JAWAPAN

Tuan Yang Di Pertua,

Untuk makluman Ahli Yang Berhormat, Kementerian Dalam Negeri (KDN) melalui Jabatan Imigresen Malaysia (JIM) sentiasa komited dalam memastikan keselamatan negara diutamakan dengan melaksanakan operasi penguatkuasaan bersepadu secara berterusan di lokasi-lokasi yang dikenalpasti menjadi tumpuan (*hot spot*) warga asing serta tindakan pencegahan bagi mengelakkan kehadiran PATI di negara ini.

Operasi penguatkuasaan tersebut dilaksanakan dengan kerjasama agensi penguatkuasa lain terutamanya Polis Diraja Malaysia (PDRM) dan Agensi Penguatkuasaan Maritim Malaysia (APMM) di lokasi-lokasi yang dikenal pasti menjadi tumpuan warganegara asing. JIM juga turut melibatkan Kerajaan Negeri melalui Pihak Berkuasa Tempatan (PBT) dan Jawatankuasa Pembangunan dan Keselamatan Kampung (JPKK) serta persatuan penduduk dalam menyalurkan maklumat keberadaan PATI dalam menangani masalah PATI secara holistik.

Untuk makluman Ahli Yang Berhormat juga, bagi tempoh dari tahun 2016 hingga tahun 2019, sebanyak 59,946 operasi telah dijalankan oleh JIM dengan tangkapan seramai 191,632 orang PATI.

Dari 1 Januari hingga 2 Julai 2020 pula, JIM telah melaksanakan 4,301 operasi yang melibatkan pemeriksaan 68,033 orang warganegara asing dan tangkapan seramai 17,473 orang PATI di seluruh negara. Jumlah tersebut termasuklah 2,766 orang PATI yang melakukan kesalahan di bawah Seksyen 15(1)(c) Akta Imigresen 1959/63 iaitu kesalahan tinggal lebih masa.

Pecahan tangkapan PATI berdasarkan kewarganegaraan yang melakukan kesalahan tinggal melebihi tempoh pas atau permit yang diberikan adalah seperti berikut:

Warganegara	Jumlah (Orang)
Indonesia	1,796
Bangladesh	258
Filipina	23
Myanmar	62
Thailand	64
India	271
Vietnam	21
Nepal	10
Pakistan	152
China	37
Kemboja	43
Sri Lanka	8
Nigeria	6
Lain-lain	15
JUMLAH	2,766

JIM juga melaksanakan pengusiran melalui mana-mana pintu keluar negara yang berhampiran dengan Depot Tahanan Imigresen berkaitan mengikut keperluan dan kesesuaian semasa. Sehingga 2 Julai 2020, sejumlah 19,017 orang warganegara asing telah dihantar pulang dari Malaysia yang mana melibatkan proses rundingan berterusan antara Kerajaan Malaysia dan Kerajaan negara yang berkaitan.

Tuan Yang Di Pertua,

Sebagai langkah memperkukuh tadbir urus dan menambah baik sistem kerja penguatkuasaan sedia ada, KDN sedang memperhalusi pelan strategik penguatkuasaan PATI yang lebih komprehensif dan menyeluruh.

Pelan Holistik Penguatkuasaan PATI yang akan dilaksanakan dalam tempoh lima (5) tahun ini merupakan strategi penguatkuasaan yang komprehensif untuk mengatasi permasalahan banjir PATI di negara ini

NO. SOALAN : 18

dengan melibatkan kerjasama secara strategik di antara pelbagai Kementerian dan Agensi. Objektif pelan ini adalah mewujudkan satu ekosistem yang tidak selesa kepada PATI dalam meneruskan kehidupan seharian mereka melalui pendekatan mendaya upaya agensi penguat kuasa dan kawal selia sedia ada termasuk meningkatkan kerjasama strategik dan kesedaran masyarakat setempat.

Pelan Holistik Penguatkuasaan PATI ini menggariskan lima (5) strategi atau fokus utama iaitu:-

- (i) **Strategi Perundangan dan Dasar Penguatkuasaan PATI** yang menggariskan pelan pelaksanaan penggubalan undang-undang dan penyelarasan dasar berkaitan penguatkuasaan PATI;
- (ii) **Strategi Kawalan Sempadan dan Pintu Masuk** yang menggariskan pelan pelaksanaan pemantauan kawalan keselamatan di sempadan dan pintu masuk negara;
- (iii) **Strategi Pengurusan Pekerja Asing** yang menggariskan pelan penyelarasan dasar berkaitan pekerja asing;
- (iv) **Strategi Operasi Penguatkuasaan PATI** yang menggariskan pelan pelaksanaan berkaitan operasi penguatkuasaan membanteras PATI di seluruh negara; dan
- (v) **Strategi Media dan Publisiti** yang menggariskan pelan pelaporan media, publisiti dan program kesedaran berkaitan PATI.

Strategi-strategi yang digariskan dalam Pelan Holistik Penguatkuasaan PATI ini berlunaskan bidang-bidang fokus yang dikenal pasti bersesuaian dengan peranan agensi-agensi yang terlibat dan dibangunkan bagi memberikan impak signifikan ke arah peningkatan imej penyampaian perkhidmatan awam terutamanya pasukan penguatkuasaan.

**PEMBERITAHUAN PERTANYAAN DEWAN RAKYAT
MESYUARAT KEDUA, PENGGAL KETIGA,
PARLIMEN KEEMPAT BELAS**

PERTANYAAN : LISAN

**DARIPADA : TUAN ABDUL LATIFF BIN ABDUL
RAHMAN [KUALA KRAI]**

TARIKH : 23 JULAI 2020 (KHAMIS)

SOALAN

minta **MENTERI PEMBANGUNAN LUAR BANDAR** menyatakan:-

- (a) berapa peruntukan untuk membangunkan infrastruktur jalan raya di luar bandar bagi tahun 2020 serta berapa sasaran jumlah kilometer akan dibina atau dinaiktaraf untuk jalan raya luar bandar dan jalan-jalan kampung; dan
- (b) berapa jumlah peruntukan untuk infrastruktur dan jalan-jalan di Kuala Krai.

JAWAPAN

Tuan Yang di-Pertua,

Untuk makluman Yang Berhormat, peruntukan bagi Program Jalan Luar Bandar (JALB) untuk tahun 2020 di seluruh Malaysia adalah sebanyak RM860 juta yang melibatkan 230 projek. Bagi tahun 2020, Kementerian ini mensasarkan 100 km jalan disiapkan di bawah Program JALB. Manakala sejumlah RM220juta telah diperuntukkan bagi pelaksanaan Projek Jalan Perhubungan Desa (JPD) di seluruh negara untuk tahun 2020. Berdasarkan peruntukan tersebut, pihak Kementerian mensasarkan sepanjang 270 kilometer jalan JPD akan dibina atau dinaiktaraf.

NO. SOALAN : 19

Untuk makluman Yang Berhormat Jua, bagi Parlimen Kuala Krai, terdapat lima (5) projek JALB yang telah diluluskan di bawah Rancangan Malaysia Ke-11 (RMKe-11) dengan kos keseluruhan projek sebanyak RM177.4juta. Di samping itu juga, sejumlah RM1.9 juta peruntukan telah diluluskan bagi pelaksanaan 17 projek Jalan Perhubungan Desa (JPD) di Parlimen Kuala Krai.

Manakala bagi projek BALB di Parlimen Kuala Krai, terdapat 1 projek sedang dalam pelaksanaan iaitu Projek Bekalan Air Luar Bandar (BALB) Sistem Retikulasi Tahun 2017 Negeri Kelantan Zon 3. Sebanyak 7 daripada 18 kampung yang terlibat adalah melibatkan kampung-kampung di Parlimen Kuala Krai dengan kos sebanyak RM1.9juta. Projek ini sedang dalam pelaksanaan dan tarikh jangka siap adalah pada 12 Julai 2020. Senarai kampung yang terlibat adalah seperti berikut :

BIL	SENARAI KAMPUNG	PARLIMEN	DUN	STATUS
1	Kg Bukit Kajang	Kuala Krai	Manek Urai	Milik tapak :12/09/2019 Jangka siap : 12/07/2020 Kemajuan di Jadual : 52% Kemajuan Sebenar : 55%
2	Kg Belaga	Kuala Krai	Manek Urai	
3	Kg Lapan Jenut	Kuala Krai	Manek Urai	
4	Kg Kongo Peria	Kuala Krai	Manek Urai	
5	Taman Desa Tok Guru Sg Embak	Kuala Krai	Guchil	
6	Kg Tualang	Kuala Krai	Guchil	
7	Kg Pahi Belakang JPAM	Kuala Krai	Guchil	

**PEMBERITAHUAN PERTANYAAN LISAN DEWAN RAKYAT
MESYUARAT KEDUA, PENGGAL KETIGA
PARLIMEN KEEMPAT BELAS**

PERTANYAAN : LISAN
DARIPADA : YB DATO' WIRA MOHD ANUAR BIN MOHD
TAHIR
KAWASAN : TEMERLOH
TARIKH : 23 JULAI 2020 (KHAMIS)

SOALAN NO. 20

minta **MENTERI KERJA RAYA** menyatakan tarikh dijangka siap keseluruhan projek Lebuhraya Pantai Barat (WCE) dan boleh digunakan oleh rakyat.

JAWAPAN

Tuan Yang Di-Pertua,

Untuk makluman Ahli Yang Berhormat, Lebuh Raya Pesisiran Pantai Barat (Taiping-Banting) (WCE) telah dibuka kepada pengguna secara berperingkat mulai tahun 2019.

Pembukaan pertama adalah pada 31 Mei 2019 bagi jajaran dari Persimpangan Bertingkat Hutan Melintang ke Persimpangan Bertingkat Teluk Intan. Pembukaan kedua adalah pada 23 September 2019 yang melibatkan dua seksyen lebuhraya iaitu jajaran dari Persimpangan Bertingkat Kampung Lekir ke Persimpangan Bertingkat Changkat Cermin dan jajaran bermula dari Persimpangan Bertingkat Changkat Cermin ke Persimpangan Bertingkat Beruas. Pembukaan ketiga adalah pada 10 Disember 2019 bagi jajaran dari Persimpangan Bertingkat Bandar Bukit Raja (Selatan) ke Persimpangan Bertingkat Bandar Bukit Raja (Utara).

Untuk makluman Ahli Yang Berhormat, pembukaan seterusnya jajaran Lebuhraya WCE dijangka pada penghujung tahun 2021 manakala pembukaan jajaran terakhir dari Persimpangan Bertingkat Assam Jawa ke Persimpangan Bertingkat Tanjung Karang dijangka pada pertengahan Jun 2024. Status kemajuan keseluruhan Lebuhraya WCE berakhir 15 Jun 2020 adalah 66.28%.

Sekian, terima kasih.

**PEMBERITAHUAN PERTANYAAN JAWAB LISAN DEWAN RAKYAT
MESYUARAT KE DUA, PENGKAL KE TIGA,
PARLIMEN EMPATBELAS**

PERTANYAAN : JAWAB LISAN

**DARIPADA : YB DATO' SRI DR. SHAHIDAN BIN KASSIM
(ARAU)**

TARIKH : 23 JULAI 2020

SOALAN

DATO' SRI DR. SHAHIDAN BIN KASSIM [ARAU] minta **MENTERI DALAM NEGERI** menyatakan mengapakah terdapat ramai pelancong yang masuk ke dalam negara tetapi tidak ramai pula yang keluar setelah tamat tempoh visa lawatan. Berapa jumlah pelancong yang tidak keluar dari negara ini sejak 2008 hingga Februari 2020 setelah luput tempoh lawatan.

JAWAPAN

Tuan Yang Di Pertua,

Kementerian Dalam Negeri (KDN) melalui Jabatan Imigresen Malaysia (JIM) sentiasa berusaha untuk mengambil tindakan terhadap pelancong-pelancong asing yang melakukan kesalahan tinggal melebihi tempoh pas atau permit yang diberikan kepada mereka sepertimana peruntukan di bawah Seksyen 15(1)(c) Akta Imigresen 1959/63. Antara mekanisme penguatkuasaan yang dilakukan oleh JIM bagi mengesan keberadaan PATI yang melakukan kesalahan tersebut adalah melalui operasi penguatkuasaan secara berterusan di lokasi-lokasi yang dikenalpasti menjadi tumpuan (*hot spot*) warga asing.

Bagi tempoh dari tahun 2008 sehingga 29 Februari 2020, sejumlah 119,699 orang PATI telah ditangkap atas kesalahan tinggal melebihi tempoh permit atau pas yang dibenarkan di bawah Seksyen 15 Akta Imigresen 1959/63.

**PEMBERITAHUAN PERTANYAAN DEWAN RAKYAT
MESYUARAT KEDUA, PENGGAL KETIGA,
PARLIMEN KEEMPAT BELAS**

PERTANYAAN : JAWAB LISAN

DARIPADA : TUAN WONG LING BIU [SARIKEI]

TARIKH : 23 JULAI 2020 (KHAMIS)

SOALAN

Minta **MENTERI BELIA DAN SUKAN** menyatakan berapa banyak sekolah sukan yang terdapat di negara ini. Apa peranan Kementerian Belia dan Sukan terhadap sekolah sukan tersebut.

JAWAPAN

Tuan Yang di-Pertua,

1. Untuk makluman Ahli Yang Berhormat, terdapat lima (5) Sekolah Sukan Malaysia (SSM) dan 15 buah Sekolah Sukan Negeri (SSN) di seluruh Malaysia. Sekolah-sekolah ini di bawah pengurusan langsung pihak Kementerian Pendidikan (KPM).
2. Kementerian Belia dan Sukan (KBS) sentiasa bekerjasama dengan KPM bagi memastikan pembangunan sukan bermula dari peringkat awal lagi menerusi Program Pengenalpastian Bakat (MyTID) sehinggalah ke peringkat tertinggi sebagai atlet kebangsaan.
3. Secara amnya, hampir kesemua Sekolah-Sekolah Sukan Negeri terlibat sebagai pusat latihan negeri atau daerah bagi Program-program Pelapis Negeri dan Program Bakat yang dijalankan bersama Majlis-

Majlis Sukan Negeri serta program-program pembangunan sukan pilihan seperti bola sepak (NFDP), Ragbi (NRDP) dan Hoki (NHDP).

4. Untuk makluman Ahli Yang Berhormat, atlet murid yang menjalani latihan di bawah Program Latihan Atlet MSN di Sekolah Sukan disediakan dengan kemudahan latihan, peralatan, kebajikan makanan, penginapan, jurulatih serta perkhidmatan sains dan perubatan sukan.

5. Selain itu, MSN turut bekerjasama dengan Sekolah Sukan untuk melantik guru-guru yang berkelayakan menjadi jurulatih Program Pelapis Kebangsaan dan Program Podium MSN. Mereka diberikan gaji/elaun mengikut kadar-kadar yang telah ditetapkan.

6. Bagi pengurusan atlet murid selepas tamat persekolahan pula, KBS melalui MSN dengan kerjasama KPM telah melaksanakan program Pra-Universiti KPM/MSN/UPM mulai tahun 2000 yang merupakan program khusus bagi lepasan SPM untuk kemasukan ke Universiti Putra Malaysia (UPM) dan program kerjasama rintis ini telah diteruskan oleh KPM bersama Universiti Teknologi Malaysia (UTM). Malahan, Program "One State One University One Centre" (1S1U1C) yang merupakan program kolaborasi antara Institusi Pengajian Tinggi (IPT) dan Majlis Sukan Negeri bagi menyediakan ruang serta peluang kepada atlet murid melanjutkan pengajian selepas tamat persekolahan nanti.

Sekian, terima kasih.

**PEMBERITAHUAN PERTANYAAN LISAN
DEWAN RAKYAT MESYUARAT KEDUA,
PENGAL KETIGA, PARLIMEN KEEMPAT BELAS**

PERTANYAAN : LISAN

**DARIPADA : DR. NIK MUHAMMAD ZAWAWI BIN HJ. SALLEH
[PASIR PUTEH]**

TARIKH : 23 JULAI 2020 (KHAMIS)

SOALAN

minta **MENTERI PEMBANGUNAN USAHAWAN DAN KOPERASI** menyatakan statistik penglibatan dan impak pasca COVID-19 ke atas usahawan dalam bidang perkhidmatan secara sentuhan fizikal seperti pusat rehabilitasi, spa, perkhidmatan latihan kecergasan peribadi dan perkhidmatan dandanan.

JAWAPAN

Tuan Yang Dipertua,

1. Kerajaan telah melaksanakan Perintah Kawalan Pergerakan (PKP) yang bermula sejak 18 hingga 31 Mac 2020 sehingga kini. Berikutan pelaksanaan tempoh PKP tersebut, kebanyakan perniagaan terpaksa ditutup kecuali hanya sektor-sektor tertentu yang dibenarkan beroperasi secara berperingkat. Usahawan yang terlibat dengan penyediaan perkhidmatan melibatkan sentuhan fizikal merupakan antara yang terjejas teruk memandangkan sektor ini berisiko untuk meluaskan penyebaran wabak sekiranya tidak mengikut *Standard of Procedure* (SOP) yang telah ditetapkan. Oleh yang demikian, operasi perniagaan yang melibatkan sentuhan fizikal baru sahaja dibenarkan beroperasi pada 10 Jun 2020 setelah hampir tiga (3) bulan terpaksa menutup premis.

2. Situasi ini memberi kesan kepada para usahawan di mana ada di antara mereka yang tidak mampu membayar sewa premis, membayar gaji pekerja serta membayar pinjaman sedia ada dengan pihak penyedia kewangan. Berdasarkan rekod, seramai 5,265 orang usahawan yang menjalankan bidang perkhidmatan secara sentuhan fizikal yang terdiri daripada pelbagai jenis aktiviti perniagaan.

Sekian, terima kasih.

**PEMBERITAHUAN PERTANYAAN JAWAB LISAN DEWAN RAKYAT
MESYUARAT KE DUA, PENGGAL KE TIGA,
PARLIMEN EMPATBELAS**

PERTANYAAN : JAWAB LISAN

**DARIPADA : YB TUAN WAN HASSAN MOHD RAMLI
(DUNGUN)**

TARIKH : 23 JULAI 2020

SOALAN

TUAN HAJI WAN HASSAN BIN MOHD RAMLI [DUNGUN] minta **MENTERI DALAM NEGERI** menyatakan tindakan yang diambil terhadap penglibatan rakyat Malaysia dalam aktiviti kumpulan LTTE dan tindakan selanjutnya dalam menangani masalah ini yang melibatkan keselamatan negara.

JAWAPAN

Tuan Yang Di Pertua,

Kementerian Dalam Negeri (KDN) melalui pihak Polis Diraja Malaysia (PDRM) sentiasa memantau bukan sahaja aktiviti penyokong LTTE di negara ini, tetapi termasuk juga pelbagai kumpulan pengganas lain di kalangan rakyat Malaysia. Demi menjaga ketenteraman dan keamanan negara serta berasaskan maklumat munasabah, Malaysia telah mengisytiharkan sejumlah kumpulan pengganas dan individu sebagai Entiti Ditentukan mengikut seksyen 66B(1), Akta Pencegahan Penggubahan Wang Haram, Pencegahan Pembiayaan Keganasan dan Hasil Daripada Aktiviti Haram (AMLATFPUAA) 2001.

Tindakan yang diambil oleh Kerajaan untuk menyenaraikan sesuatu entiti ditentukan ini dapat membantu menangani penglibatan rakyat Malaysia dalam aktiviti kumpulan pengganas. Melalui penyenaian ini juga, kesemua jenis aset penama akan dibekukan dan tiada transaksi jual beli dibenarkan yang membolehkan aliran tunai disalurkan kepada penama dan seterusnya dapat membantu membiayai kos-kos aktiviti kumpulan pengganas yang berkaitan. Selain itu, tangkapan terhadap individu yang terlibat dalam aktiviti yang menyokong keganasan ini turut dilakukan dari semasa ke semasa. Secara ringkasnya, jumlah tangkapan individu yang dikaitkan dengan kumpulan pengganas adalah pada tahun 2015 adalah seramai 95 orang, 126 orang (2016), 109 orang (2017), 86 orang (2018) dan 72 orang pada tahun 2019.

Kes kesalahan keselamatan seperti ini akan disiasat dengan menggunakan prosedur di bawah Akta Kesalahan Keselamatan (Langkah-Langkah Khas) 2012 (SOSMA) kerana ia melibatkan rantai kumpulan jenayah yang besar dan terancang (*syndicated*). Selain itu, Akta Pencegahan Keganasan (POTA) 2015 turut digunapakai sekiranya penularan elemen keganasan semakin berleluasa serta mengancam keselamatan dan ketenteraman awam.

**PEMBERITAHUAN PERTANYAAN LISAN DEWAN RAKYAT
MESYUARAT KEDUA, PENGGAL KETIGA,
PARLIMEN KEEMPAT BELAS**

PERTANYAAN : LISAN

**DARIPADA : DATUK HAJI AHMAD JAZLAN BIN YAAKUB
[MACHANG]**

TARIKH : 23.07.2020 (KHAMIS)

SOALAN

DATUK HAJI AHMAD JAZLAN BIN YAAKUB [MACHANG] minta **MENTERI PERDAGANGAN DALAM NEGERI DAN HAL EHWAL PENGGUNA** menyatakan adakah pihak Kementerian bercadang untuk mengehadkan kelulusan lesen kepada individu atau syarikat yang menjual gas LPG bersubsidi atau LPG Industri sahaja dan bukan kedua-duanya sekali sebagai langkah membendung sindiket penyelewengan subsidi LPG.

JAWAPAN

Yang di-Pertua,

Pada masa ini, Kementerian tidak mengehadkan kelulusan Kebenaran PDA mengikut jenis LPG sama ada bersubsidi atau tanpa subsidi. Sebagai langkah membendung sindiket penyelewengan subsidi LPG, Kementerian sentiasa melaksanakan penguatkuasaan secara berkala dan sekiranya terdapat apa – apa ketidakpatuhan, pemegang lesen boleh diambil tindakan di bawah Akta Kawalan Bekalan 1964.

Sekian, terima kasih.

**DEWAN RAKYAT
PEMBERITAHUAN PERTANYAAN
MESYUARAT KEDUA, PENGGAL KETIGA
PARLIMEN KEEMPAT BELAS (2020)**

PERTANYAAN : LISAN

**DARIPADA : DATO' SRI ABDUL AZEEZ BIN ABDUL RAHIM
[BALING]**

TARIKH : 23 JULAI 2020 (KHAMIS)

SOALAN

DATO' SRI ABDUL AZEEZ BIN ABDUL RAHIM [BALING] minta **MENTERI ALAM SEKITAR DAN AIR** menyatakan kaedah penyelesaian bagi mengatasi isu gangguan bekalan air bersih di kawasan - kawasan kampung di negeri Kedah semakin kritikal sejak kebelakangan ini.

JAWAPAN

Tuan Yang Di-Pertua,

1. Isu gangguan bekalan air di Negeri Kedah terutamanya di kawasan kampung disebabkan rizab margin bekalan air terawat yang rendah iaitu sekitar 0% berbanding sasaran 10-15% yang ditetapkan oleh Suruhanjaya Perkhidmatan Air Negara (SPAN). Kapasiti loji sedia ada tidak mampu menampung peningkatan permintaan akibat pembangunan yang pesat sekaligus mengakibatkan gangguan bekalan air kepada penduduk yang berada di hujung rangkaian.

2. Bagi mengatasi masalah ini, Kerajaan Persekutuan telah meluluskan peruntukan berjumlah RM931 juta di bawah RMKe-11 bagi menaiktaraf lima loji rawatan air (LRA) melibatkan LRA Sungai Limau, Baling, LRA Bukit Selambau, LRA Lubuk Buntar Lama, LRA Jenun Baru dan LRA Pelubang.

NO. SOALAN : 26

Kebanyakan loji-loji ini membekalkan air kepada kawasan kampung. Kesemua projek ini dijangka siap secara berperingkat pada tahun 2022 hingga 2023, sekaligus menaikkan kadar rizab margin kepada 10.6% menjelang 2023.

3. Pada masa yang sama, Kerajaan Persekutuan juga meluluskan peruntukan geran berjumlah RM44.7 juta di bawah Program Pengurangan NRW Nasional dalam usaha penambahbaikan perkhidmatan bekalan air kepada penduduk. Langkah ini dapat memastikan kehilangan air akibat kebocoran dapat dikurangkan dan agihan yang lebih meluas kepada pengguna.

Sekian. Terima kasih.

**PEMBERITAHUAN PERTANYAAN LISAN
DEWAN RAKYAT MESYUARAT KEDUA,
PENGAL KETIGA PARLIMEN KEEMPAT BELAS**

PERTANYAAN : LISAN

**DARIPADA : TUAN SIVAKUMAR VARATHARAJU
NAIDU [BATU GAJAH]**

TARIKH : 23 JULAI 2020 (KHAMIS)

SOALAN

Minta **MENTERI PEMBANGUNAN USAHAWAN DAN KOPERASI** menyatakan tentang penyaluran dana pinjaman melalui TEKUN mengikut kaum pada tahun 2019 dan setakat bulan Jun 2020. Bagaimanakah penglibatan kaum India dalam peruntukan khas yang disediakan melalui TEKUN untuk melahirkan lebih ramai usahawan yang berjaya.

JAWAPAN

Tuan Yang Dipertua,

1. Sebagai salah sebuah institusi kewangan di bawah Kementerian Pembangunan Usahawan dan Koperasi (MEDAC), TEKUN Nasional komited untuk menyediakan kemudahan pembiayaan kepada usahawan kecil Bumiputera dan juga kaum India khususnya dalam penyaluran tambahan modal bagi memulakan dan mengembangkan perniagaan.
2. Bantuan pembiayaan kepada usahawan-usahawan kaum India diberikan melalui program khusus iaitu Program Skim Pembangunan Usahawan Masyarakat India (SPUMI).
3. Jumlah pembiayaan yang ditawarkan melalui SPUMI adalah dari nilai RM1,000.00 sehingga RM100,000.00. Manakala, tempoh bayaran balik pembiayaan adalah di antara 6 bulan sehingga 10 tahun, dengan kadar keuntungan sebanyak 4%.
4. Sejak diperkenalkan pada tahun 2008, sehingga Disember 2019, SPUMI telah berjaya dimanfaatkan oleh 21,887 orang usahawan India dengan jumlah keseluruhan pembiayaan sebanyak RM306 juta.
5. Bagi tahun 2019, TEKUN Nasional telah membantu seramai **885 usahawan India** dengan nilai pembiayaan **berjumlah RM19.2 juta**. Manakala bagi **tahun 2020 sehingga bulan Mei**, TEKUN Nasional telah menyalurkan **bantuan pinjaman kepada seramai 214 orang** usahawan India dengan **nilai pembiayaan berjumlah RM6.4 juta**.
6. Berdasarkan laporan kajian keberhasilan (*outcome*) yang dijalankan kepada usahawan SPUMI yang menerima pembiayaan pada tahun 2018, didapati bahawa 76% daripada usahawan mencatatkan peningkatan jualan bulanan melebihi 20%, manakala 79% usahawan berjaya meningkatkan keuntungan bersih perniagaan.

Sekian, terima kasih.

**DEWAN RAKYAT
PEMBERITAHUAN PERTANYAAN
MESYUARAT KEDUA, PENGGAL KETIGA
PARLIMEN KEEMPAT BELAS (2020)**

PERTANYAAN : LISAN

**DARIPADA : TUAN SHAHARIZUKIRNAIN BIN ABD. KADIR
[SETIU]**

TARIKH : 23 JULAI 2020 (KHAMIS)

SOALAN

TUAN SHAHARIZUKIRNAIN BIN ABD. KADIR [SETIU] minta **MENTERI ALAM SEKITAR DAN AIR** menyatakan prestasi kualiti udara dan air sungai sepanjang tempoh PKP dan apakah langkah Kementerian untuk mengekalkan keadaan kualiti yang baik ini.

JAWAPAN

Tuan Yang Di-Pertua,

1. Adalah menjadi tanggungjawab bersama semua pihak, baik sektor awam mahupun sektor swasta di dalam memastikan kelestarian alam sekitar.
2. Kementerian Alam Sekitar dan Air melalui Jabatan Alam Sekitar (JAS) telah membuat pemantauan dan analisis perbandingan terhadap Indeks Pencemar Udara (IPU) sebelum dan sepanjang Perintah Kawalan Pergerakan (PKP) yang berkuatkuasa pada 18 Mac 2020. Sejak PKP dilaksanakan terdapat sebanyak **peningkatan 37% IPU bagi bilangan hari bersih di seluruh Malaysia.**

Tuan Yang di-Pertua,

3. Status kualiti air sungai bagi tempoh sebelum PKP dari 18 Ogos 2019 hingga 17 Mac 2020 dan semasa PKP, iaitu 18 Mac hingga 14 April 2020 di

29 stesen pengawasan kualiti air automatik (*real-time*) Jabatan Alam Sekitar di seluruh Malaysia adalah seperti berikut:

- i) 8 stesen iaitu **28%** menunjukkan kualiti air sungai bertambah baik (**Indeks Kualiti Air (IKA) bertambah baik**);
- ii) 8 stesen iaitu **28%** menunjukkan perubahan tidak ketara (**IKA status kekal**); dan
- iii) 13 stesen iaitu **44%** menunjukkan sedikit penurunan kualiti air sungai (**IKA menurun**).

Tuan Yang di-Pertua,

4. Kementerian dalam usaha untuk **mengekalkan keadaan kualiti udara dan air sungai yang baik** ini telah mengenalpasti **6 langkah utama bagi mengawal pencemaran udara dan 4 langkah utama bagi mengawal pencemaran air sungai**.

Sekian, terima kasih.

**PEMBERITAHUAN PERTANYAAN DEWAN RAKYAT
MESYUARAT KEDUA, PENGGAL KETIGA ,
PARLIMEN KEEMPAT BELAS**

PERTANYAAN : JAWAB LISAN

**DARIPADA : TUAN SABRI BIN AZIT
[JERAJ]**

TARIKH : 23 JULAI 2020 (KHAMIS)

SOALAN

Minta **MENTERI BELIA DAN SUKAN** menyatakan langkah-langkah drastik dalam tempoh wabak COVID-19 untuk meningkatkan prestasi sukan bola sepak negara daripada kedudukan 154 kepada kedudukan seratus terbaik dunia.

JAWAPAN

Tuan Yang di-Pertua,

1. Untuk makluman Ahli Yang Berhormat, Kementerian Belia dan Sukan (KBS) melalui Majlis Sukan Negara (MSN) dengan kerjasama Persatuan Bola Sepak Malaysia (FAM) sentiasa mematuhi saranan kerajaan dalam melaksanakan latihan harian bagi sukan berpasukan tanpa sentuhan fizikal sepanjang tempoh Perintah Kawalan Pergerakan (PKP) selari dengan beberapa prosedur operasi standard (SOP) yang ditetapkan oleh Majlis Keselamatan Negara (MKN). Kelonggaran yang telah diberikan oleh Kerajaan ini juga turut diadaptasikan oleh pasukan-pasukan bola sepak negeri dan kelab dengan norma baharu bermula 20 Jun 2020.

2. Kementerian telah mengambil inisiatif dengan membuat permohonan pembukaan Sektor Sukan dan Rekreasi Fasa 3 bagi sukan / rekreasi bersentuhan fizikal (contact sports) serta aktiviti permainan / perlawanan bagi sukan-sukan seperti bola sepak, hoki, silat, taekwando dan sebagainya pada 9 Julai yang lalu.

3. Program latihan ini secara tidak langsung dapat memastikan setiap pemain kebangsaan di negeri ataupun kelab berada dalam prestasi yang baik sebelum dipanggil semula ke dalam skuad kebangsaan. MSN dan FAM sentiasa bekerjasama untuk memantau latihan setiap pemain dan menilai prestasi pemain bola sepak sebagai persiapan pasukan negara ke Kejohanan AFC Pusingan kedua yang telah dijadualkan semula pada Oktober 2020 akibat pandemik COVID-19. Kejohanan ini juga merupakan platform terbaik bagi pasukan negara untuk melayakkan diri ke Kejohanan Kelayakan Piala Dunia 2022 dan Kelayakan Piala Asia 2023.

4. FAM juga akan mengatur lebih banyak perlawanan persahabatan kelas A sebagai persiapan pasukan dan serta untuk memperbaiki ranking semasa pasukan negara.

NO. SOALAN : 29

5. Untuk makluman Ahli Yang Berhormat, pihak Kementerian melalui MSN dan FAM juga telah membuat perancangan program jangka masa panjang dengan persiapan pasukan muda kebangsaan untuk menjalani latihan pusat tanpa sentuhan fizikal bermula 1 Julai 2020 sebagai persiapan ke Kejohanan AFC Bawah 19 tahun yang juga merupakan kejohanan kelayakan ke World Youth Cup 2021.

6. Malah, FAM juga telah melancarkan satu pelan jangka masa panjang yang diberi nama F:30 pada bulan Oktober 2018. Tujuan utama pelan ini adalah untuk mensasarkan pasukan Malaysia menjadi antara lima negara terbaik di benua Asia dari segi tadbir urus serta layak secara automatik ke Piala Dunia pada 2030 nanti.

7. Untuk makluman Ahli Yang Berhormat juga, pihak Kerajaan juga telah melaksanakan Program Pembangunan Bola Sepak Negara (PPBN) sejak tahun 2009 lagi. PPBN ini merupakan satu pelan strategik jangka panjang bagi melahirkan generasi baharu pemain-pemain bola sepak Malaysia yang berkualiti serta mencipta kejayaan di peringkat antarabangsa. Selari dengan kewujudan PPBN ini, Akademi Bola Sepak Negara Mokhtar Dahari (AMD) juga telah beroperasi pada 2018 bagi menempatkan barisan atlet muda terbaik negara. Sehingga kini, seramai 228 pemain elit negara yang berumur di antara 13 hingga 17 tahun telah ditempatkan di AMD di bawah bimbingan 42 jurulatih bertauliah.

Sekian, terima kasih.

**PEMBERITAHUAN PERTANYAAN DEWAN RAKYAT
MESYUARAT KEDUA, PENGGAL KETIGA,
PARLIMEN KEEMPAT BELAS**

PERTANYAAN : JAWAB LISAN

**DARIPADA : TUAN SIVAKUMAR VARATHARAJU NAIDU
[BATU GAJAH]**

TARIKH : 23 JULAI 2020 (KHAMIS)

SOALAN

Minta **MENTERI BELIA DAN SUKAN** menyatakan status Malaysia Karate Federation (MAKAF) yang menghadapi pertikaian dalaman yang serius. Kenapakah pihak Pesuruhjaya Sukan Malaysia tidak mahu mengadakan pemilihan baru bagi jawatankuasa MAKAF untuk menyelesaikan pertikaian ini demi kemajuan dan pembangunan sukan tersebut.

JAWAPAN

Tuan Yang di-Pertua,

1. Untuk makluman, Persatuan Karate Malaysia (MAKAF) telah diluluskan pendaftaran di bawah Pejabat Pesuruhjaya Sukan Malaysia (PPS) pada 31 Julai 1998. MAKAF merupakan badan induk kebangsaan di Malaysia yang diiktiraf oleh Majlis Olimpik Malaysia (MOM). Melalui Status ini, MAKAF layak untuk menjalankan apa-apa aktiviti berkaitan sukan berkenaan di negara ini.

2. Berkenaan dengan perkara seperti dibangkitkan, penyelesaian terhadap pertikaian dalaman yang termaktub di dalam Akta Pembangunan Sukan 1997 (Akta 576) di bawah seksyen 23 adalah menyebut :

Seksyen 23.

Tiap-tiap badan sukan hendaklah menyelesaikan apa-apa pertikaian yang timbul di kalangan anggotanya atau dengan jawatankuasa atau badan pengelolanya mengikut prosedur dalaman yang ditetapkan dalam peraturan-peraturan.

3. Oleh yang demikian, adalah sedia maklum bahawa PPS sebagai badan yang mengelola semua badan sukan yang berdaftar. Akan tetapi, bagi mengadakan Mesyuarat Agung Tahunan bagi Pemilihan Jawatankuasa baru masih tertakluk di bawah perlembagaan persatuan sukan itu sendiri. PPS adalah tidak tertakluk di bawah perlembagaan tersebut dan ini akan menimbulkan konflik yang ketara.

4. Selain daripada itu, MAKAF telah membuat penilaian dan pilihan bagi menyelesaikan masalah mereka dengan mengemukakan pertikaian tersebut ke mahkamah. Pada ketika ini, injuksi berkaitan sedang berlangsung di Mahkamah Tinggi Melaka yang dijadualkan pada Oktober 2020 bagi sesi pendengaran kes (Tarikh akan ditentukan kelak).

5. Atas dasar ini, KBS berpandangan ia masih di bawah bidang kuasa mahkamah untuk membuat keputusan dalam menyelesaikan konflik dalaman MAKAF ini.

Sekian, terima kasih.

**PEMBERITAHUAN PERTANYAAN JAWAB LISAN DEWAN RAKYAT
MESYUARAT KE DUA, PENGGAL KE TIGA,
PARLIMEN EMPATBELAS**

PERTANYAAN : JAWAB LISAN

**DARIPADA : YB DATO' MOHD FASIAH B. MOHD FAKEH
(SABAK BERNAM)**

TARIKH : 23 JULAI 2020

SOALAN

DATO' HAJI MOHD FASIAH BIN HAJI MOHD FAKEH [SABAK BERNAM] minta **MENTERI DALAM NEGERI** menyatakan jumlah pelancong warganegara China yang melawat negara ini bagi tempoh 2003 hingga 2019 dan nyatakan jumlah pelancong warganegara China yang dikenal pasti tidak meninggalkan negara ini setelah tamat tempoh lawatan bagi tempoh berkenaan dan nyatakan apakah tindakan dan langkah Kerajaan bagi memastikan semua pelancong meninggalkan negara ini terutama pelancong dari China ini bagi memastikan keselamatan negara.

JAWAPAN

Tuan Yang Di Pertua,

Untuk makluman Ahli Yang Berhormat, Kementerian Dalam Negeri (KDN) melalui Jabatan Imigresen Malaysia (JIM) sentiasa komited dalam memastikan keselamatan negara diutamakan dengan melaksanakan operasi penguatkuasaan bersepadu secara berterusan di lokasi-lokasi yang dikenalpasti menjadi tumpuan (*hot spot*) warga asing serta tindakan pencegahan bagi mengelakkan kehadiran PATI di negara ini.

NO. SOALAN : 31

Operasi penguatkuasaan tersebut dilaksanakan dengan kerjasama agensi penguatkuasa lain terutamanya Polis Diraja Malaysia (PDRM) dan Agensi Penguatkuasaan Maritim Malaysia (APMM) di lokasi-lokasi yang dikenal pasti menjadi tumpuan warganegara asing. JIM juga turut melibatkan Kerajaan Negeri melalui Pihak Berkuasa Tempatan (PBT) dan Jawatankuasa Pembangunan dan Keselamatan Kampung (JPKK) serta persatuan penduduk dalam menyalurkan maklumat keberadaan PATI dalam menangani masalah PATI secara holistik.

Untuk makluman Ahli Yang Berhormat juga, bagi tempoh dari tahun 2016 hingga tahun 2019, sebanyak 59,946 operasi telah dijalankan oleh JIM dengan tangkapan seramai 191,632 orang PATI. Dari 1 Januari hingga 2 Julai 2020 pula, JIM telah melaksanakan 4,301 operasi yang melibatkan pemeriksaan 68,033 orang warganegara asing dan tangkapan seramai 17,473 orang PATI di seluruh negara. Jumlah tersebut termasuklah 2,766 orang PATI yang melakukan kesalahan di bawah Seksyen 15(1)(c) Akta Imigresen 1959/63 iaitu kesalahan tinggal lebih masa. Pecahan tangkapan PATI berdasarkan kewarganegaraan yang melakukan kesalahan tinggal melebihi tempoh pas atau permit yang diberikan adalah seperti berikut:

Warganegara	Jumlah (Orang)
Indonesia	1,796
Bangladesh	258
Filipina	23
Myanmar	62
Thailand	64
India	271
Vietnam	21
Nepal	10
Pakistan	152
China	37
Kemboja	43
Sri Lanka	8
Nigeria	6
Lain-lain	15
JUMLAH	2,766

NO. SOALAN : 31

JIM juga melaksanakan pengusiran melalui mana-mana pintu keluar negara yang berhampiran dengan Depot Tahanan Imigresen berkaitan mengikut keperluan dan kesesuaian semasa. Sehingga 2 Julai 2020, sejumlah 19,017 orang warganegara asing telah dihantar pulang dari Malaysia yang mana melibatkan proses rundingan berterusan antara Kerajaan Malaysia dan Kerajaan negara yang berkaitan.

Tuan Yang Di Pertua,

Sebagai langkah memperkukuh tadbir urus dan menambah baik sistem kerja penguatkuasaan sedia ada, KDN sedang memperhalusi pelan strategik penguatkuasaan PATI yang lebih komprehensif dan menyeluruh.

Pelan Holistik Penguatkuasaan PATI yang akan dilaksanakan dalam tempoh lima (5) tahun ini merupakan strategi penguatkuasaan yang komprehensif untuk mengatasi permasalahan banjir PATI di negara ini dengan melibatkan kerjasama secara strategik di antara pelbagai Kementerian dan Agensi. Objektif pelan ini adalah mewujudkan satu ekosistem yang tidak selesa kepada PATI dalam meneruskan kehidupan seharian mereka melalui pendekatan mendaya upaya agensi penguat kuasa dan kawal selia sedia ada termasuk meningkatkan kerjasama strategik dan kesedaran masyarakat setempat.

Pelan Holistik Penguatkuasaan PATI ini menggariskan lima (5) strategi atau fokus utama iaitu:-

- (i) **Strategi Perundangan dan Dasar Penguatkuasaan PATI** yang menggariskan pelan pelaksanaan penggubalan undang-undang dan penyelarasan dasar berkaitan penguatkuasaan PATI;
- (ii) **Strategi Kawalan Sempadan dan Pintu Masuk** yang menggariskan pelan pelaksanaan pemantauan kawalan keselamatan di sempadan dan pintu masuk negara;

NO. SOALAN : 31

- (iii) **Strategi Pengurusan Pekerja Asing** yang menggariskan pelan penyelarasan dasar berkaitan pekerja asing;
- (iv) **Strategi Operasi Penguatkuasaan PATI** yang menggariskan pelan pelaksanaan berkaitan operasi penguatkuasaan membanteras PATI di seluruh negara; dan
- (v) **Strategi Media dan Publisiti** yang menggariskan pelan pelaporan media, publisiti dan program kesedaran berkaitan PATI.

Strategi-strategi yang digariskan dalam Pelan Holistik Penguatkuasaan PATI ini berlunaskan bidang-bidang fokus yang dikenal pasti bersesuaian dengan peranan agensi-agensi yang terlibat dan dibangunkan bagi memberikan impak signifikan ke arah peningkatan imej penyampaian perkhidmatan awam terutamanya pasukan penguatkuasaan.

**PEMBERITAHUAN PERTANYAAN DEWAN RAKYAT
MESYUARAT KEDUA, PENGGAL KETIGA,
PARLIMEN KEEMPAT BELAS**

PERTANYAAN : JAWAB LISAN

**DARIPADA : DATO' ABDULLAH SANI BIN ABDUL HAMID
[KAPAR]**

TARIKH : 23 JULAI 2020 (KHAMIS)

SOALAN

Minta **MENTERI BELIA DAN SUKAN** menyatakan apakah terdapat perancangan pembangunan semula atau penjenamaan semula terhadap kompleks sukan atau dewan belia yang menjadi projek gajah putih.

JAWAPAN

Tuan Yang di-Pertua,

1. Kementerian Belia dan Sukan sedang berusaha menaik taraf kompleks-kompleks sukan yang telah dikenal pasti dalam Rancangan Malaysia Kedua Belas (RMK-12) tertakluk kepada kedudukan kewangan Kerajaan. Kerajaan pada masa ini sedang giat melaksanakan aktiviti-aktiviti menaik taraf kompleks sukan termasuk penjenamaan semula supaya ia selari dengan keperluan sukan semasa. Dengan cara ini, kompleks sukan dan dewan belia dapat dimanfaatkan penggunaannya secara optimum dan pada masa sama memberikan manfaat kepada komuniti setempat.

2. Untuk makluman Ahli Yang Berhormat, semua kemudahan sukan di bawah Kementerian Belia dan Sukan adalah digunakan dengan sebaiknya disebalik kekangan kewangan dan fasiliti yang dihadapi. Kementerian juga telah membuat perancangan untuk menaik taraf sebanyak 36 projek yang terdiri daripada Kompleks Belia dan Sukan, Kompleks Rakan Muda dan Kompleks Sukan Komuniti bermula daripada tahun 2019 serta dijangka siap pada tahun 2021. Kementerian percaya kesemua kemudahan sukan ini akan dapat dimanfaatkan dengan optimum apabila kerja-kerja naik taraf ini selesai dilaksanakan kelak.

Sekian, terima kasih.

**PEMBERITAHUAN PERTANYAAN LISAN
DEWAN RAKYAT MESYUARAT KEDUA,
PENGAL KETIGA, PARLIMEN KEEMPAT BELAS**

PERTANYAAN : LISAN

DARIPADA : PUAN NOR AZRINA BINTI SURIP [MERBOK]

TARIKH : 23 JULAI 2020 (KHAMIS)

SOALAN

minta **MENTERI PEMBANGUNAN USAHAWAN DAN KOPERASI** menyatakan kesan penularan COVID-19 bagaimanakah usaha Kementerian dalam membantu usahawan mikro yang terjejas dalam memastikan perniagaan mereka kembali pulih dan apakah fasilitasi yang diperlukan oleh Perusahaan Kecil dan Sederhana dalam mencapai objektif tersebut.

JAWAPAN

Yang di-Pertua,

1. Kementerian Pembangunan Usahawan dan Koperasi (MEDAC) serta agensi-agensi di bawah kementerian telah mengambil pelbagai langkah dalam membantu usahawan mikro yang terjejas akibat penularan COVID-19. Antara langkah-langkah yang diambil dan dilaksanakan oleh MEDAC menerusi agensi-agensi di bawah kementerian adalah:

- a. penyediaan pembiayaan kepada usahawan,
- b. penjadualan semula pinjaman;
- c. penangguhan bayaran balik / moratorium pinjaman;
- d. latihan serta bimbingan keusahawanan secara dalam talian; dan
- e. pelaksanaan program berimpak tinggi.

2. MEDAC sebagai kementerian yang bertanggungjawab memastikan ekosistem keusahawanan yang holistik dan kondusif untuk menyokong agenda pembangunan keusahawanan negara, telah membangunkan Pelan Pemulihan Usahawan dan Koperasi. Pelan pemulihan ini dibangunkan bertujuan menangani kesan yang dihadapi oleh para usahawan tempatan. Ianya telah dirangka untuk semua sektor perniagaan merangkumi perusahaan mikro, PKS, koperasi, SE, startup dan sektor informal bagi memastikan kelestarian serta pemulihan operasi perniagaan usahawan dalam tempoh masa yang optimum.

3. Pelan Pemulihan ini mengandungi **29 program jangka pendek dan sederhana di bawah enam (6) strategi** yang dijangka akan memanfaatkan lebih 20,000 penerima dan melibatkan **kos peruntukan yang dianggarkan sebanyak RM 362.79 juta bagi pelaksanaan tahun 2020 dan 2021.**

Sekian, terima kasih.

**PEMBERITAHUAN PERTANYAAN LISAN DEWAN RAKYAT
MESYUARAT KEDUA, PENGGAL KETIGA
PARLIMEN KEEMPAT BELAS**

PERTANYAAN : LISAN

**DARIPADA : DATUK WILSON UGAK ANAK KUMBONG
[HULU RAJANG]**

TARIKH : 23 JULAI 2020 [KHAMIS]

SOALAN

Minta **MENTERI PERUMAHAN DAN KERAJAAN TEMPATAN** menyatakan:-

- a) status **balai bomba** di Pekan Belaga; dan
- b) sekiranya pihak Kementerian bercadang untuk membina sebuah balai bomba di penempatan semula Sg. Asap, Belaga.

JAWAPAN

Tuan Yang di-Pertua,

Jawapan (a)

1. Untuk makluman Yang Berhormat, projek Balai Bomba dan Penyelamat Belaga telah diluluskan dalam RMKe-11 *Rolling Plan* Pertama (RP1) Tahun 2016 dengan kos projek berjumlah RM5.5 juta. Projek pembinaan tersebut telah bermula pada 18 April 2019 dan dijangka siap pada 17 Oktober 2020.

2. Status terkini kemajuan sebenar pembinaan adalah 62.16% di tapak berbanding 85.00% mengikut jadual. Pada masa kini, kawasan Belaga mendapat perlindungan kebakaran dari Pasukan Bomba Sukarela Pekan Belaga yang dilengkapi peralatan kebombaannya seperti pam angkut, hos, nozel dan baju kalis api dengan keahliannya seramai 30 orang.

Jawapan (b)

1. Berhubung pembinaan balai bomba di kawasan Sungai Asap, Kementerian Perumahan dan Kerajaan Tempatan (KPKT) telah mengenal pasti tapak cadangan yang bersesuaian bagi tujuan perolehan tanah pada tahun 2020. Permohonan projek pembinaan balai bomba akan dibuat dalam RMKe-12 *Rolling Plan* Pertama (RP1) Tahun 2021. Kawasan Sungai Asap kini mendapat perlindungan kebakaran dari Pasukan Bomba Sukarela Uma Daro Liling dengan kekuatan 27 orang ahli dan sebuah kenderaan bomba sukarela Proton Arena yang dilengkapi dengan pam angkut bagi kerja-kerja pemadaman.

2. Kementerian akan memantau projek pembinaan Balai Bomba dan Penyelamat Belaga agar dapat disiapkan dalam tempoh masa yang ditetapkan bagi membolehkan masyarakat setempat menerima perkhidmatan kebombaannya yang lebih cepat dan berkualiti.

Sekian, terima kasih.

**DEWAN RAKYAT
PEMBERITAHUAN PERTANYAAN
MESYUARAT KEDUA, PENGGAL KETIGA
PARLIMEN KEEMPAT BELAS (2020)**

PERTANYAAN : LISAN

DARIPADA : PUAN JUNE LEOW HSIAD HUI [HULU SELANGOR]

TARIKH : 23 JULAI 2020 (KHAMIS)

SOALAN

PUAN JUNE LEOW HSIAD HUI [HULU SELANGOR] minta **MENTERI ALAM SEKITAR DAN AIR** menyatakan usaha yang akan diambil oleh Kementerian untuk apakah menangani peningkatan penggunaan plastik untuk pembungkusan makanan serta barangan semasa *pandemic* COVID-19.

JAWAPAN

Tuan Yang Di-Pertua,

1. Peningkatan penggunaan bahan-bahan plastik pakai buang sewaktu pandemik COVID-19 adalah selari dengan peningkatan permintaan terhadap perkhidmatan penghantaran makanan dan barangan melalui platform atas talian, serta keperluan di sektor perubatan seperti peralatan pakai buang dari hospital dan kelengkapan pelindung diri (*personel protective equipment-PPE*).
2. Bagi sisa plastik klinikal, ianya dikelaskan sebagai sisa buangan terjadual yang memerlukan prosedur pengendalian serta pelupusan khas sebagaimana digariskan dalam Akta Kualiti Alam Sekeliling 1974 [AKTA 127]. Manakala, bagi pengendalian dan pengurusan sisa plastik selebihnya yang dinyatakan di atas adalah seperti mana digariskan di bawah Akta Pengurusan Sisa Pepejal dan Pembersihan Awam 2007 [AKTA 672].

3. Langkah-langkah yang diambil Kementerian ini pada masa ini adalah bersifat pendekatan holistik untuk jangka masa panjang. Kementerian akan terus bekerjasama rapat dengan Kementerian Perumahan dan Kerajaan Tempatan (KPKT) dalam isu melibatkan pengurusan sisa plastik secara umum. Kementerian juga akan terus bekerjasama dengan Kementerian Perdagangan Antarabangsa dan Industri (MITI), Kementerian Perdagangan dalam Negeri dan Hal Ehwal Pengguna dan kementerian lain serta persatuan industri dalam isu melibatkan penggunaan dan pengeluaran plastik oleh pihak industri termasuk peruncit dalam pelbagai usaha serta inisiatif untuk mengurangkan plastik sekali guna.

4. Bagi melestarikan sektor plastik, Kementerian sedang membangunkan Pelan Hala Tuju Ekonomi Kitaran Plastik sebagai panduan kepada pihak-pihak berkepentingan dalam industri berkaitan plastik dalam mentransformasikan proses perniagaan daripada ekonomi linear kepada ekonomi kitaran yang dapat memaksimumkan tempoh penggunaan material plastik. Pembangunan Pelan Hala Tuju ini akan mengambil kira input dan pandangan daripada semua pihak, termasuk dari aspek pembiayaan dari institusi kewangan dan pengurusan sisa

Sekian. Terima kasih.

**PEMBERITAHUAN PERTANYAAN JAWAB LISAN DEWAN RAKYAT
MESYUARAT KE DUA, PENGGAL KE TIGA,
PARLIMEN EMPATBELAS**

PERTANYAAN : JAWAB LISAN

**DARIPADA : YB DATO' HJ. AHMAD NAZLAN B. IDRIS
(JERANTUT)**

TARIKH : 23 JULAI 2020

SOALAN

DATO' HAJI AHMAD NAZLAN BIN IDRIS [JERANTUT] minta **MENTERI DALAM NEGERI** menyatakan bilangan warganegara asing mengikut kerakyatan masing-masing yang terus tinggal di negara ini secara haram dan usaha yang telah diambil untuk mengusir mereka pulang ke negara masing-masing.

JAWAPAN

Tuan Yang Di Pertua,

Untuk makluman Ahli Yang Berhormat, Kementerian Dalam Negeri (KDN) melalui Jabatan Imigresen Malaysia (JIM) sentiasa komited dalam memastikan keselamatan negara diutamakan dengan melaksanakan operasi penguatkuasaan bersepadu secara berterusan di lokasi-lokasi yang dikenalpasti menjadi tumpuan (*hot spot*) warga asing serta tindakan pencegahan bagi mengelakkan kehadiran PATI di negara ini.

Operasi penguatkuasaan tersebut dilaksanakan dengan kerjasama agensi penguatkuasa lain terutamanya Polis Diraja Malaysia (PDRM) dan Agensi Penguatkuasaan Maritim Malaysia (APMM) di lokasi-lokasi yang

NO. SOALAN : 36

dikenal pasti menjadi tumpuan warganegara asing. JIM juga turut melibatkan Kerajaan Negeri melalui Pihak Berkuasa Tempatan (PBT) dan Jawatankuasa Pembangunan dan Keselamatan Kampung (JPKK) serta persatuan penduduk dalam menyalurkan maklumat keberadaan PATI dalam menangani masalah PATI secara holistik.

Untuk makluman Ahli Yang Berhormat juga, bagi tempoh dari tahun 2016 hingga tahun 2019, sebanyak 59,946 operasi telah dijalankan oleh JIM dengan tangkapan seramai 191,632 orang PATI. Dari 1 Januari hingga 2 Julai 2020 pula, JIM telah melaksanakan 4,301 operasi yang melibatkan pemeriksaan 68,033 orang warganegara asing dan tangkapan seramai 17,473 orang PATI di seluruh negara. Jumlah tersebut termasuklah 2,766 orang PATI yang melakukan kesalahan di bawah Seksyen 15(1)(c) Akta Imigresen 1959/63 iaitu kesalahan tinggal lebih masa.

Pecahan tangkapan PATI berdasarkan kewarganegaraan yang melakukan kesalahan tinggal melebihi tempoh pas atau permit yang diberikan adalah seperti berikut:

Warganegara	Jumlah (Orang)
Indonesia	1,796
Bangladesh	258
Filipina	23
Myanmar	62
Thailand	64
India	271
Vietnam	21
Nepal	10
Pakistan	152
China	37
Kemboja	43
Sri Lanka	8
Nigeria	6
Lain-lain	15
JUMLAH	2,766

JIM juga melaksanakan pengusiran melalui mana-mana pintu keluar negara yang berhampiran dengan Depot Tahanan Imigresen berkaitan mengikut keperluan dan kesesuaian semasa. Sehingga 2 Julai 2020, sejumlah 19,017 orang warganegara asing telah dihantar pulang dari Malaysia yang mana melibatkan proses rundingan berterusan antara Kerajaan Malaysia dan Kerajaan negara yang berkaitan.

Tuan Yang Di Pertua,

Sebagai langkah memperkukuh tadbir urus dan menambah baik sistem kerja penguatkuasaan sedia ada, KDN sedang memperhalusi pelan strategik penguatkuasaan PATI yang lebih komprehensif dan menyeluruh.

Pelan Holistik Penguatkuasaan PATI yang akan dilaksanakan dalam tempoh lima (5) tahun ini merupakan strategi penguatkuasaan yang komprehensif untuk mengatasi permasalahan banjir PATI di negara ini dengan melibatkan kerjasama secara strategik di antara pelbagai Kementerian dan Agensi. Objektif pelan ini adalah mewujudkan satu ekosistem yang tidak selesa kepada PATI dalam meneruskan kehidupan seharian mereka melalui pendekatan mendaya upaya agensi penguat kuasa dan kawal selia sedia ada termasuk meningkatkan kerjasama strategik dan kesedaran masyarakat setempat.

Pelan Holistik Penguatkuasaan PATI ini menggariskan lima (5) strategi atau fokus utama iaitu:

- (i) **Strategi Perundangan dan Dasar Penguatkuasaan PATI** yang menggariskan pelan pelaksanaan penggubalan undang-undang dan penyelarasan dasar berkaitan penguatkuasaan PATI;
- (ii) **Strategi Kawalan Sempadan dan Pintu Masuk** yang menggariskan pelan pelaksanaan pemantauan kawalan keselamatan di sempadan dan pintu masuk negara;

- (iii) **Strategi Pengurusan Pekerja Asing** yang menggariskan pelan penyelarasan dasar berkaitan pekerja asing;
- (iv) **Strategi Operasi Penguatkuasaan PATI** yang menggariskan pelan pelaksanaan berkaitan operasi penguatkuasaan membanteras PATI di seluruh negara; dan
- (v) **Strategi Media dan Publisiti** yang menggariskan pelan pelaporan media, publisiti dan program kesedaran berkaitan PATI.

Strategi-strategi yang digariskan dalam Pelan Holistik Penguatkuasaan PATI ini berlunaskan bidang-bidang fokus yang dikenal pasti bersesuaian dengan peranan agensi-agensi yang terlibat dan dibangunkan bagi memberikan impak signifikan ke arah peningkatan imej penyampaian perkhidmatan awam terutamanya pasukan penguatkuasaan.

**PEMBERITAHUAN PERTANYAAN LISAN DEWAN RAKYAT
MESYUARAT KEDUA, PENGGAL KETIGA,
PARLIMEN KEEMPAT BELAS
TAHUN 2020**

PERTANYAAN : LISAN

DARIPADA : YB DR. AZMAN BIN ISMAIL [KUALA KEDAH]

TARIKH : 23 JULAI 2020 (KHAMIS)

SOALAN

DR. AZMAN BIN ISMAIL [KUALA KEDAH] minta **MENTERI SUMBER MANUSIA** menyatakan jumlah rakyat Malaysia yang hilang pekerjaan akibat dari pandemik COVID-19. Mohon diberikan pecahan mengikut sektor pekerjaan dan apakah langkah segera Kementerian untuk membantu rakyat-rakyat yang hilang pekerjaan ini.

JAWAPAN

Tuan Yang di-Pertua,

1. Impak penularan Pandemik Covid-19 tidak lagi terhad kepada risiko kesihatan yang boleh mengundang kehilangan nyawa, namun turut menyumbang secara langsung terhadap kemerosotan aktiviti ekonomi dalam aspek permintaan, pengeluaran, pelaburan dan pendapatan. Berdasarkan laporan majikan melalui Borang Pemberhentian Pekerja (Borang PK) yang dilaporkan kepada Jabatan Tenaga Kerja (JTK).. Jumlah keseluruhan yang terlibat dengan pemberhentian iaitu sebanyak 1,377 majikan dengan 36,196 orang pekerja. Pemberhentian Tetap (*Permanent Retrenchment*) melibatkan seramai 28,779 orang pekerja manakala seramai 7,417 orang pemberhentian secara Pemberhentian Sukarela (*Voluntary Separation Scheme*).

2. Bagi 5 kategori sektor pekerjaan tertinggi pemberhentian di sektor pembuatan mencatatkan seramai 17,566 orang pekerja (48.5%) yang terlibat, diikuti oleh sektor penginapan dan aktiviti perkhidmatan makanan dan minuman seramai 8,903 orang (24.6%), sektor aktiviti pentadbiran dan khidmat sokongan seramai 1,400 orang (3.9%), perdagangan borong dan runcit, pembaikan kenderaan bermotor dan motosikal seramai 1,326 orang (3.7%), manakala seramai 1,064 orang (3%) di sektor pertanian, perhutanan dan perikanan telah terlibat dengan pemberhentian.

3. KSM melalui jabatan dan agensi di bawahnya telah melaksanakan pelbagai program untuk membantu para pencari kerja yang terjejas akibat pemberhentian pekerjaan. Antara program-program yang telah dilaksanakan ialah penganjuran temu duga terbuka mengikut standard prosedur norma baharu yang telah ditetapkan. Ia bertujuan sebagai platform bagi para pencari kerja dan majikan untuk bertemu dan mendapatkan pekerjaan dan calon pekerja yang sesuai dengan keperluan industri.

4. Pemadanan pekerjaan melalui Portal *JobsMalaysia* secara dalam talian” akan menikmati kemudahan secara interaktif dan memaparkan pilihan jawatan yang ditawarkan oleh majikan. Penganjuran Karnival Kerjaya di Pusat JobsMalaysia seluruh negara menawarkan kekosongan jawatan daripada pelbagai kategori pekerjaan. Kerjasama majikan-majikan yang menawarkan kekosongan pekerjaan dan Agensi-agensi Pekerjaan Swasta (APS) melalui program temu duga terbuka ini dilaksanakan pada setiap minggu di Pusat JobsMalaysia seluruh negara.

5. Program Pelan Jana Semula Ekonomi Negara (PENJANA) di bawah Pakej Rangsangan Ekonomi ke tiga yang diumumkan oleh YAB Perdana Menteri bertujuan untuk merangsang permintaan pekerjaan di kalangan majikan dan meningkatkan peluang pekerjaan serta kebolehpekerjaan di kalangan pencari kerja tempatan. KSM telah dipertanggungjawabkan untuk melaksanakan program Penjana Kerjaya (PK) bagi menggalakkan majikan mengambil pekerja terjejas akibat wabak COVID-19. Di bawah program PK ini, kerajaan memperuntukkan sejumlah

SOALAN NO: 37

RM1.5 bilion, di mana syarikat akan diberikan insentif kewangan selama 6 bulan untuk memberi pekerjaan kepada lepasan sekolah, siswazah, penganggur dan pekerja yang diberhentikan kerja serta perantis.

6. KSM megesa agar mana-mana pencari kerja baru atau pencari kerja yang berhasrat untuk meningkatkan kerjaya dan warganegara yang kehilangan pekerjaan mendaftar dengan JobsMalaysia dan PERKESO. Di bawah Sistem Insuran Pekerjaan (SIP), pekerja yang hilang pekerjaan layak menuntut faedah berbentuk bantuan kewangan sementara, carian pekerjaan, penempatan pekerjaan, kaunseling kerjaya, program latihan dan sebagainya tertakluk kepada kelayakan di bawah Akta 800. Bagi majikan-majikan yang mempunyai kekosongan pekerjaan menggunakan platform yang disediakan oleh kerajaan bagi menawarkan kekosongan pekerjaan.

Sekian, terima kasih.

**PEMBERITAHUAN PERTANYAAN LISAN DEWAN RAKYAT
MESYUARAT KEDUA, PENGGAL KETIGA,
PARLIMEN KEEMPAT BELAS
TAHUN 2020**

PERTANYAAN : LISAN

DARIPADA : YB TUAN TAN KOK WAI [CHERAS]

TARIKH : 23 JULAI 2020 (KHAMIS)

SOALAN

TUAN TAN KOK WAI [CHERAS] minta **MENTERI SUMBER MANUSIA** menyatakan menyatakan rancangan Kementerian untuk mengatasi masalah kekurangan tenaga kerja yang berbakat dan berkemahiran tinggi untuk industri berkemahiran tinggi dan pada masa yang sama juga menghadapi masalah kekurangan buruh untuk industri intensif buruh. Apakah rancangan transformasi ekonomi jangka pendek dan panjang untuk mempersiapkan negara dalam menghadapi cabaran dan objektif Revolusi Industri 4.0 dan ekonomi digital pascapandemik COVID-19.

JAWAPAN

Tuan Yang di-Pertua,

1. Industri 4.0 dijangka akan memberi kesan yang sangat signifikan kepada pasaran buruh dan pekerjaan seperti pewujudan dan penghapusan pekerjaan (*job displacement*), peningkatan produktiviti buruh dan jurang kemahiran yang semakin meluas. Oleh itu, modal insan negara perlu mempunyai kemahiran yang relevan dan sentiasa memenuhi keperluan pasaran dan ekonomi negara yang dinamik. Dalam hal ini, Dasar Industry4WRD telah diperkenalkan pada tahun 2018 yang diterajui oleh Kementerian Perdagangan Antarabangsa dan Industri (MITI).

2. Kementerian Sumber Manusia (KSM) dan Kementerian Pengajian Tinggi (KPT) telah diberikan peranan sebagai Pengerusi Bersama bagi menerajui Jawatankuasa Kerja Pembangunan Kemahiran dan Bakat (*Technical Working Group-Skills*) di bawah Industry4WRD. Pelbagai usaha dilaksanakan oleh KSM dalam memperkukuh kompetensi sumber manusia bagi mengenal pasti pekerjaan yang bersesuaian dalam menghadapi Industri 4.0 melalui Jabatan dan Agensi di bawahnya seperti:

(i) menyediakan program upskilling dan reskilling kepada golongan pekerja bagi mempertingkatkan kemajuan sendiri dalam menyesuaikan diri dengan perubahan keperluan kerja masa hadapan (*future jobs*) serta persekitaran global yang semakin kompetitif dan dinamik;

(ii) KSM melalui Jabatan Pembangunan Kemahiran (JPK), telah membangunkan *National Occupational Skills Standard (NOSS)* bagi 21 sektor ekonomi yang mana telah menjadi rujukan dalam pembangunan program latihan di institusi-institusi latihan awam dan swasta mengikut tahap kemahiran yang diperlukan. NOSS yang dibangunkan dan dipantau secara bersama dengan *Industry Lead Body (ILB)* adalah mengikut keperluan industri dan teknologi terkini; dan

(iii) mengadakan sesi libat urus dengan pihak industri bersama jabatan/agensi terlibat bagi memberi gambaran jelas berkaitan Industri 4.0. Maklumat hasil perkongsian daripada sesi ini akan seterusnya digunakan untuk mengkaji dan meneliti keperluan tenaga kerja bagi menghadapi Industri 4.0 seterusnya mewujudkan peluang pekerjaan baharu; dan

(iv) memperluas akses kepada warganegara untuk mendapatkan Latihan dan Pendidikan Teknikal dan Vokasional (TVET). Sehingga kini, terdapat lima ratus enam puluh dua (562) buah Institusi Latihan Kemahiran Awam (ILKA) yang telah ditubuhkan di seluruh negara dengan pelbagai kursus kemahiran ditawarkan mengikut keperluan industri.

3. Kesimpulannya, Kerajaan telah dan sedang mengambil langkah-langkah yang perlu bagi mewujudkan pekerjaan-pekerjaan yang bersesuaian dan menyediakan tenaga kerja yang berkemahiran untuk memenuhi keperluan Industri 4.0

Sekian, terima kasih.

**PEMBERITAHUAN PERTANYAAN JAWAB LISAN DEWAN RAKYAT
MESYUARAT KEDUA, PENGGAL KETIGA,
PARLIMEN KEEMPAT BELAS**

PERTANYAAN : JAWAB LISAN

DARIPADA : TUAN NIK MOHAMAD ABDUH [BACHOK]

TARIKH : 23 JULAI 2020 (KHAMIS)

SOALAN

TUAN NIK MOHAMAD ABDUH [BACHOK] minta **MENTERI DALAM NEGERI** menyatakan kesediaan aset-aset Agensi Penguatkuasaan Maritim Malaysia (APMM) ketika ini bagi menangani isu pencerobohan bot nelayan asing Vietnam di sempadan perairan negara.

JAWAPAN

Tuan Yang Di-pertua,

Agensi Penguatkuasaan Maritim Malaysia (APMM) sentiasa bersedia dan mengambil serius isu pencerobohan bot nelayan asing (BNA) terutama daripada Vietnam yang melibatkan perairan Pantai Timur Semenanjung Malaysia.

APMM telah melancarkan operasi bersepadu melalui Ops NAGA yang melibatkan pelbagai agensi secara khusus bagi menangani pencerobohan BNA. Operasi bersepadu OP NAGA BARAT telah dilancarkan pada 26 April 2020 yang meliputi kawasan perairan pantai timur semenanjung Malaysia. Selain itu, OP NAGA TIMUR turut dilancarkan pada 1 Ogos 2019 bagi mengawasi kawasan perairan di negeri Sabah dan Sarawak. Melalui pelaksanaan OP NAGA ini aset-aset dari pelbagai agensi termasuk TLDM, APMM, dan Jabatan Perikanan Malaysia telah diselaraskan dan digunakan secara optimum dan efektif untuk memastikan semua kawasan operasi khususnya perairan negara tidak diceroboh oleh BNA.

Sebagai makluman Ahli Yang Berhormat, APMM juga bakal menerima 3 buah kapal induk yang masih dalam pembinaan dan dijangka akan menerima sebuah kapal yang bakal siap menjelang hujung tahun ini. Kapal induk tersebut berkeupayaan untuk melaksanakan pengoperasian selama sebulan di laut dan ini memberikan kelebihan kepada APMM untuk membenteng dan membanteras Zon Maritim Malaysia daripada diceroboh masuk oleh BNA terutamanya dari negara Vietnam.

Statistik sehingga 1 Julai 2020, sejumlah 8,057 pemeriksaan telah dilaksanakan sepanjang OP NAGA oleh APMM bersama pelbagai agensi yang terlibat dan daripada jumlah tersebut sebanyak 151 tangkapan bot nelayan asing Vietnam telah dilakukan, manakala sebanyak 108 pengusiran telah dilaksanakan oleh APMM sepanjang OP NAGA dilaksanakan.

**PEMBERITAHUAN PERTANYAAN JAWAB LISAN DEWAN RAKYAT
MESYUARAT KE DUA, PENGGAL KE TIGA,
PARLIMEN EMPATBELAS**

PERTANYAAN : JAWAB LISAN

**DARIPADA : YB TUAN RAMKARPAL SINGH A/L KARPAL
SINGH (BUKIT GELUGOR)**

TARIKH : 23 JULAI 2020

SOALAN

TUAN RAMKARPAL SINGH A/L KARPAL SINGH [BUKIT GELUGOR] minta **MENTERI DALAM NEGERI** menyatakan sama ada Kerajaan berniat untuk meneruskan dengan cadangan Kerajaan Pakatan Harapan untuk menubuhkan Suruhanjaya Bebas Aduan dan Salah Laku Polis (IPCMC) dan sekiranya tidak, nyatakan sebab-sebabnya.

JAWAPAN

Tuan Yang Di Pertua,

Untuk makluman Ahli Yang Berhormat, Kerajaan telah membuat keputusan dasar untuk meneruskan penubuhan satu Suruhanjaya yang akan bertindak sebagai badan bebas bagi memantau salah laku anggota pasukan Polis Diraja Malaysia (PDRM).

Bagi tujuan ini, Kerajaan sedang memperhalusi draf rang undang-undang baharu bagi menggantikan Rang Undang-Undang (RUU) Suruhanjaya Bebas Aduan dan Salah Laku Polis (IPCMC). Rang undang-undang baharu ini akan dibentangkan di Parlimen untuk bacaan kali pertama setelah mendapat persetujuan Mesyuarat Jemaah Menteri.

**PEMBERITAHUAN PERTANYAAN JAWAB LISAN DEWAN RAKYAT
MESYUARAT KE DUA, PENGGAL KE TIGA,
PARLIMEN EMPATBELAS**

PERTANYAAN : JAWAB LISAN

**DARIPADA : YB TUAN CHARLES ANTHONY A/L SANTIAGO
(KLANG)**

TARIKH : 23 JULAI 2020

SOALAN

TUAN CHARLES ANTHONY SANTIAGO [KLANG] minta **MENTERI
DALAM NEGERI** menyatakan kesudian Kerajaan untuk memperkenalkan
rang undang-undang IPCMC untuk dibahaskan dalam sesi Parlimen ini.

JAWAPAN

Tuan Yang Di Pertua,

Untuk makluman Ahli Yang Berhormat, Kerajaan telah membuat keputusan dasar untuk meneruskan penubuhan satu Suruhanjaya yang akan bertindak sebagai badan bebas bagi memantau salah laku anggota pasukan Polis Diraja Malaysia (PDRM).

Bagi tujuan ini, Kerajaan sedang memperhalusi draf rang undang-undang baharu bagi menggantikan Rang Undang-Undang (RUU) Suruhanjaya Bebas Aduan dan Salah Laku Polis (IPCMC). Rang undang-undang baharu ini akan dibentangkan di Parlimen untuk bacaan kali pertama setelah mendapat persetujuan Mesyuarat Jemaah Menteri.

**DEWAN RAKYAT
PEMBERITAHUAN PERTANYAAN
MESYUARAT KEDUA, PENGGAL KETIGA
PARLIMEN KEEMPAT BELAS (2020)**

PERTANYAAN : LISAN

DARIPADA : TUAN SIM CHEE KEONG [BUKIT MERTA JAM]

TARIKH : 23 JULAI 2020 (KHAMIS)

SOALAN

TUAN SIM CHEE KEONG [BUKIT MERTA JAM] minta **MENTERI ALAM SEKITAR DAN AIR** menyatakan strategi Kerajaan Persekutuan untuk menyelesaikan masalah banjir tahunan di negeri-negeri pantai timur terutamanya Kelantan dan Terengganu.

JAWAPAN

Tuan Yang Di-Pertua,

1. Kerajaan mempunyai strategi untuk menyelesaikan banjir tahunan terutamanya untuk Negeri Kelantan dan Terengganu.
2. Strategi untuk menyelesaikan banjir tahunan adalah melalui kaedah bukan struktur yang berprinsipkan perancangan, khususnya menyediakan pelan-pelan atau sistem yang mengurangkan keterdedahan atau risiko kepada banjir.
3. Kementerian telah menyediakan Pengurusan Lembangan Sungai Bersepadu/ *Intergated River Basin Management* (IRBM) bagi perancangan dan pembangunan lembangan untuk rujukan pihak Kerajaan Negeri dalam sesuatu pembangunan agar tidak mengancam kelestarian alam sekitar.

4. JPS juga telah membangunkan Program Ramalan dan Amaran Banjir (PRAB) Fasa 1. Program ini meliputi lembangan-lembangan Sungai Kelantan, Sungai Terengganu dan Sungai Pahang yang dapat memberi amaran banjir seawal 2 hari sebelum kejadian, berdasarkan ramalan melalui permodelan. PRAB Fasa 1 telah pun berfungsi ketika Monsun Timur Laut 2019 yang lepas dalam menyalurkan amaran banjir kepada NADMA.

5. Kementerian ini juga melalui Institut Penyelidikan Hidraulik Kebangsaan Malaysia (NAHRIM) telah melaksanakan penyelidikan impak perubahan iklim dan kenaikan aras laut yang menjurus kepada kejadian banjir monsun di daratan dan pesisir pantai terutama di negeri Kelantan dan Terengganu.

Sekian, terima kasih.

**PEMBERITAHUAN PERTANYAAN LISAN DEWAN RAKYAT
MESYUARAT KEDUA, PENGGAL KETIGA
PARLIMEN KEEMPAT BELAS**

PERTANYAAN : LISAN

**DARIPADA : DATIN PADUKA DR. TAN YEE KEW
[WANGSA MAJU]**

TARIKH : 23 JULAI 2020 [KHAMIS]

SOALAN

Minta **MENTERI PERUMAHAN DAN KERAJAAN TEMPATAN** menyatakan adakah Kementerian melakukan proses pemutihan atau tindakan tegas terhadap **penyewa unit Projek Perumahan Rakyat (PPR)** yang dikesan memberi sewa kediaman mereka kepada orang lain.

JAWAPAN

Tuan Yang di-Pertua,

1. Untuk makluman Yang Berhormat, Kerajaan Persekutuan dengan kerjasama semua Kerajaan Negeri amat tegas dalam isu penyewaan (sub-let) unit-unit Program Perumahan Rakyat (PPR) kepada mana-mana pihak lain terutamanya kepada warga asing. Sekiranya Kementerian Perumahan dan Kerajaan Tempatan (KPKT) atau Kerajaan Negeri menerima aduan daripada penduduk berkenaan isu penyewaan PPR kepada pihak lain termasuklah warga asing, siasatan akan dibuat dan tindakan tegas penguatkuasaan akan diambil.

2. Notis amaran akan dikeluarkan kepada penyewa asal unit tersebut. Sekiranya penyewa asal gagal untuk mematuhi arahan, tindakan pembatalan kontrak penyewaan akan dilakukan dan penyewa PPR tersebut bakal berdepan dengan penalti serta hak penyewaan unit rumah berkenaan akan ditarik balik.

3. Dalam memastikan hanya penyewa-penyewa yang layak sahaja dibenarkan untuk tinggal di unit-unit PPR ini, Kerajaan merayu kepada semua pihak khususnya persatuan-persatuan penduduk di semua PPR di seluruh negara agar menjadi mata dan telinga Kerajaan berhubung isu ini. Kerajaan tidak mahu matlamat asal bagi membantu golongan berpendapatan rendah terutamanya di kawasan bandar disalahgunakan untuk kepentingan diri sendiri. Oleh yang demikian, sekiranya terdapat aduan mengenai perkara ini, aduan tersebut bolehlah disalurkan kepada pihak KPKT di Jabatan Perumahan Negara atau Bahagian Perumahan Kerajaan Negeri masing-masing untuk diambil tindakan segera.

Sekian, terima kasih.

**PEMBERITAHUAN PERTANYAAN LISAN DEWAN RAKYAT
MESYUARAT KEDUA, PENGGAL KETIGA
PARLIMEN KEEMPAT BELAS**

PERTANYAAN : LISAN
DARIPADA : YB DATO' WIRA MOHD ANUAR BIN MOHD
TAHIR
KAWASAN : TEMERLOH
TARIKH : 23 JULAI 2020 (KHAMIS)

SOALAN NO. 44

minta **MENTERI KERJA RAYA** menyatakan inisiatif Kerajaan untuk menggalakkan penglibatan pekerja tempatan dalam industri pembinaan. Apabila Kerajaan telah mengumumkan pembekuan pengambilan baharu pekerja asing.

JAWAPAN

Tuan Yang Di-Pertua,

Untuk makluman Ahli Yang Berhormat, dalam usaha untuk mengurangkan kebergantungan pekerja asing dan juga memberi peluang pekerjaan kepada pekerja tempatan, Kementerian Kerja Raya (KKR) melalui Lembaga Pembangunan Industri Pembinaan Malaysia (CIDB) telah menyediakan program kepada belia dan pekerja tempatan melalui program-program yang dapat membantu mereka menceburi bidang pekerjaan dalam industri pembinaan. Antara program yang disediakan adalah seperti berikut:

- 1) Program Latihan Kompetensi Kemahiran Belia dalam bidang berimpak tinggi: Menyediakan peluang latihan kompetensi kemahiran di enam (6) Akademi Binaan Malaysia (ABM) dalam tred berimpak tinggi seperti *Welding, Scaffolding Erection, Air-Conditioning & Ventilation, Wireman, Chargeman, Gas Pipe Fitting, Blasting & Painting, Non Destructive Testing (NDT), Crane Operation, Plant Operation* dan *Plumbing* bagi tujuan penempatan di dalam industri pembinaan;
- 2) Program Perantisan Industri Pembinaan: Melaksanakan program perantisan dalam bidang kemahiran bertujuan bagi meningkatkan kebolehpasaran dan penempatan pekerjaan di dalam industri pembinaan;
- 3) Program Latihan Kompetensi Kemahiran Personel Binaan: Melaksanakan program latihan kemahiran (*reskilling/ upskilling/ multiskilling*) dan penilaian kompetensi kepada personel binaan tempatan dalam bidang kompetensi kemahiran bagi tujuan meningkatkan peluang pekerjaan; dan

NO SOALAN : 44

4) Pekerja tempatan dari sektor lain yang diberhentikan: Menyediakan program latihan dan penempatan pekerjaan kepada pekerja tempatan dari sektor lain yang diberhentikan.

Sekian, terima kasih.

PEMBERITAHUAN PERTANYAAN LISAN DEWAN RAKYAT
MESYUARAT KEDUA, PENGGAL KETIGA,
PARLIMEN KEEMPAT BELAS
TAHUN 2020

PERTANYAAN : LISAN

DARIPADA : YB PUAN MARIA CHIN BINTI ABDULLAH
[PETALING JAYA]

TARIKH : 23 JULAI 2020 (KHAMIS)

SOALAN

PUAN MARIA CHIN BINTI ABDULLAH [PETALING JAYA] minta MENTERI SUMBER MANUSIA menyatakan untuk menjelaskan impak kewangan pakej stimulus terhadap PERKESO memandangkan pakej stimulus terbaru akan menggunakan sejumlah RM5 bilion dana PERKESO untuk membayar subsidi gaji RM600 sebulan dan apakah langkah susulan Kerajaan dalam memastikan kemampuan PERKESO pada masa hadapan.

JAWAPAN

Tuan Yang di-Pertua,

1. Berhubung isu yang dibangkitkan oleh YB Petaling Jaya, untuk makluman Dewan Yang Mulia ini, pakej stimulus yang diperkenalkan Kerajaan **tidak menggunakan dana kewangan PERKESO** sebanyak RM5 billion seperti dibangkitkan. PERKESO menerima dana yang diberikan oleh Kerajaan dan bertindak sebagai agensi pelaksana menyalurkan bantuan pakej stimulus oleh Kerajaan kepada golongan sasar yang layak.

2. Bagi menjawab keraguan berkaitan kemampuan PERKESO pada masa hadapan, ingin saya jelaskan dana PERKESO mampu menampung faedah-faedah yang ada di bawah Akta Sistem Insurans Pekerjaan 2017. Sekian, terima kasih.

**PEMBERITAHUAN PERTANYAAN JAWAB LISAN DEWAN RAKYAT
MESYUARAT KE DUA, PENGGAL KE TIGA,
PARLIMEN EMPATBELAS**

PERTANYAAN : JAWAB LISAN

DARIPADA : YB PUAN SU KEONG SIONG (KAMPAR)

TARIKH : 23 JULAI 2020

SOALAN

TUAN SU KEONG SIONG [KAMPAR] minta **MENTERI DALAM NEGERI** menyatakan menyenaraikan statistik indeks kematian (Indexs of Accidental Death in Malaysia) akibat kemalangan jalan raya semenjak ianya dilaksanakan pada tahun 2011 sehingga 2019. Apakah faktor atau punca utama kejadian kemalangan maut tersebut .

JAWAPAN

Tuan Yang Di Pertua,

Indeks Kematian merupakan satu kaedah pengukuran tahap keselamatan jalan raya yang diterima pakai secara global bagi sesebuah negara. Pengiraannya adalah berdasarkan nisbah bilangan kematian akibat kemalangan jalan raya per 10,000 buah kenderaan berdaftar.

Pada masa ini, Indeks Kematian adalah diukur oleh Kementerian Pengangkutan. Didapati kebanyakan kematian akibat kemalangan jalan raya adalah dari kalangan penunggang dan pembonceng motosikal. Faktor punca utama kemalangan maut berdasarkan hasil kajian yang dilaksanakan oleh Kementerian Pengangkutan adalah terbabas sendiri, makan jalan, tidak perasan objek di depan/tepi, memotong, tukar laluan dan cuai keluar simpang.

Untuk rekod PDRM pula, bagi tempoh tahun 2011 hingga tahun 2019, kes kemalangan maut yang berlaku dan direkodkan adalah sebanyak 55,587 kes dengan jumlah kematian sebanyak 60,432 orang. Punca-punca utama kejadian kemalangan maut tersebut adalah terbabas sendiri (17,561 kes), makan jalan (6,361 kes), memotong (6,167 kes), tidak perasan objek di depan/tepi (5,992 kes) dan cuai keluar simpang (5,968 kes).

**PEMBERITAHUAN PERTANYAAN DEWAN RAKYAT
MESYUARAT KEDUA, PENGGAL KETIGA ,
PARLIMEN KEEMPAT BELAS**

PERTANYAAN : JAWAB LISAN

**DARIPADA : YB TUAN SANISVARA NETHAJI A/L
RAAJI (JELUTONG)**

TARIKH : 23 JULAI 2020 (KHAMIS)

SOALAN

TUAN SANISVARA NETHAJI A/L RAAJI (JELUTONG) minta **MENTERI DALAM NEGERI** menyatakan apakah langkah-langkah yang akan diambil oleh kerajaan untuk memastikan kawalan sempadan tanah air kita dipertingkatkan supaya negara kita tidak lagi menghadapi masalah pendatang tanpa izin (PATI) yang makin meruncing.

JAWAPAN

Tuan Yang Di-pertua,

Masalah penyeludupan pendatang tanpa izin (PATI) ke Malaysia bukanlah satu isu yang baharu dihadapi negara. Kebanjiran PATI yang diseludup dan diperdagangkan ini telah memberi implikasi negatif terhadap kedaulatan dan keselamatan negara. Kewujudan lorong-lorong tikus di sempadan darat dan maritim negara memudahkan sindiket penyeludupan menjalankan kegiatan mereka. Antara langkah-langkah yang diambil demi memastikan kawalan sempadan tanah air tidak dicerobohi oleh PATI adalah melalui:

- (a) Penubuhan *National Task Force* (NTF) pada 1 Mei 2020 melalui pelaksanaan Ops Benteng yang bertujuan untuk mengekang kemasukkan PATI ke tanah air yang diketuai oleh

ATM dan dianggotai oleh agensi penguatkuasaan lain seperti PDRM, APMM, JIM, AKSEM, RELA, dan ESSCOM. Dengan adanya kerjasama yang erat ini, segala bentuk penugasan dapat diselaraskan mengikut situasi dan keadaan. Dengan kerjasama ini juga segala atur-gerak melibatkan aset-aset di darat, laut dan udara dapat diselaraskan dengan lebih sempurna bagi tujuan pemantauan khususnya melibatkan jalan laut.

- (b) Agensi penguatkuasaan seperti PDRM, JIM, JKDM dan AKSEM telah mengambil langkah drastik khususnya di daratan bagi mengenalpasti lorong–lorong tikus bagi kegiatan penyeludupan PATI. Antaranya ialah dengan membuat risikan secara berkala ke lokasi yang dikenalpasti dan memperkasakan aset-aset termasuklah menempatkan lebih banyak pos-pos statik dan pos-pos sementara Pasukan Gerakan Am (PGA), PDRM di sempadan darat negara.

Pada masa yang sama, Kerajaan turut mengambil langkah-langkah khusus di kawasan perairan dalam menangani dan memastikan kawalan sempadan tanah air kita tidak lagi menghadapi masalah pendatang tanpa izin (PATI). Antara langkah-langkah yang telah dan sedang diambil oleh Agensi Penguatkuasaan bagi keselamatan maritim adalah seperti berikut:

- (i) Mempertingkatkan rondaan di kawasan strategik dengan menggunakan aset-aset Pasukan Polis Marin, APMM dan TLDM secara optima;
- (ii) Mempertingkatkan pemeriksaan terhadap bot-bot yang keluar masuk dari Indonesia dan sebaliknya bagi memastikan bot-bot berkenaan tidak diguna untuk melakukan aktiviti yang menyalahi undang-undang. Tumpuan pemeriksaan adalah pada bot *barter trade* dan bot nelayan untuk memastikan penumpang dan bot tidak digunakan untuk tujuan yang salah;

- (iii) Meningkatkan aktiviti risikan dan melancarkan operasi khas dan bersepadu dengan gabungan kepakaran PDRM, Pasukan Polis Marin, Pasukan Gerakan Am, Agensi Penguatkuasaan Maritim Malaysia, Jabatan Laut Malaysia, Jabatan Kastam Diraja Malaysia dan Jabatan Imigresen Malaysia;
- (iv) Agensi penguatkuasaan sentiasa berhubung dan mengadakan kerjasama dengan pihak berkuasa negara jiran khususnya Polisi Air dan Udara (POLAIRUD) Indonesia dalam menangani permasalahan di perairan sempadan seperti mengadakan mesyuarat bilateral untuk membincangkan isu-isu semasa yang berlaku di sempadan; dan
- (v) Mengadakan pertemuan di laut (*Rendezvous*) di antara bot ronda Malaysia dengan negara jiran seperti Indonesia, Thailand, Singapura dan Filipina dalam pertukaran maklumat kegiatan haram dan ancaman yang sering berlaku di sempadan perairan untuk mempertingkatkan keberkesanan operasi dengan perancangan yang lebih teliti.

**PEMBERITAHUAN PERTANYAAN JAWAB LISAN DEWAN RAKYAT
MESYUARAT KE DUA, PENGGAL KE TIGA,
PARLIMEN EMPATBELAS**

PERTANYAAN : JAWAB LISAN

DARIPADA : YB TUAN GOBIND SINGH DEO (PUCHONG)

TARIKH : 23 JULAI 2020

SOALAN

TUAN GOBIND SINGH DEO [PUCHONG] minta **MENTERI DALAM NEGERI** menyatakan sama ada Akta Hasutan akan dimansuhkan dan status tindakan untuk tujuan tersebut.

JAWAPAN

Tuan Yang Di Pertua,

Penyebaran maklumat atau berita yang berunsur hasutan melalui media sosial secara tidak bertanggungjawab dalam kalangan rakyat Malaysia dikhuatiri boleh menjejaskan keselamatan dan ketenteraman awam. Sehubungan itu, Kementerian berpandangan bahawa Akta Hasutan 1948 masih relevan dengan mengambil kira struktur masyarakat Malaysia yang terdiri daripada pelbagai agama dan bangsa.

Kebelakangan ini penyebaran maklumat palsu atau berita berunsur hasutan semakin berleluasa sehingga boleh mewujudkan suasana tidak tenteram khususnya apabila berita berkenaan menyentuh isu-isu yang sensitif dalam kalangan masyarakat. Berdasarkan statistik, terdapat trend peningkatan kes pada dua tahun kebelakangan ini yang melibatkan kesalahan menghasut terhadap institusi Diraja, kaum, agama dan hak, taraf, kedudukan, keistimewaan, atau hak kedaulatan yang dilindungi oleh Bahagian 3 Perlembagaan Persekutuan atau Perkara 152,153 dan 181 Perlembagaan Persekutuan.

Bagi tempoh 2015 sehingga 1 Julai 2020, sebanyak 300 kertas siasatan telah di buka di bawah Akta Hasutan 1948 meliputi 41 kes telah berjaya dituduh, 171 kes telah diputuskan *No Further Action* (NFA), 54 kes masih dalam siasatan dan 34 kes telah di putuskan Kemaskini Untuk Simpan (KUS).

**PEMBERITAHUAN PERTANYAAN LISAN DEWAN RAKYAT
MESYUARAT KETIGA, PENGGAL KEDUA
PARLIMEN KEEMPAT BELAS**

PERTANYAAN : LISAN

DARIPADA : TUAN LIM LIP ENG [KEPONG]

TARIKH : 23 JULAI 2020 [KHAMIS]

SOALAN

Minta **MENTERI PERUMAHAN DAN KERAJAAN TEMPATAN** menyatakan **langkah dan inisiatif Kerajaan bagi membantu pembelian perumahan** dalam pasaran baru dan pasaran sekunder (secondary market) termasuk pembeli warga asing ketika krisis ekonomi akibat pandemik COVID-19

JAWAPAN

Tuan Yang di-Pertua,

1. Untuk makluman Ahli yang Berhormat antara langkah dan inisiatif Kerajaan bagi membantu pembelian perumahan dalam pasaran baru dan pasaran sekunder (*secondary market*) ketika krisis ekonomi akibat pandemik COVID-19 adalah melalui **Pelan Jana Semula Ekonomi Negara (Penjana) 2020** yang diumumkan oleh YAB Perdana Menteri Malaysia pada 5 Jun 2020 bagi sektor hartanah. Program ini memberi tumpuan kepada usaha-usaha untuk merancakkan sektor perumahan kepada warga tempatan.
2. Walau bagaimanapun, inisiatif penjualan perumahan kepada warga asing boleh dirujuk kepada Kerajaan Negeri masing-masing memandangkan penentuan harga, kuota dan pembinaan bagi kediaman

termasuklah perumahan mampu milik dan hartanah kepada warga asing adalah ditentukan oleh Kerajaan Negeri.

3. INISIATIF BAGI MEMBANTU PASARAN BAHARU

i) Kempen Pemilikan Rumah / *Home Ownership Campaign* (HOC) 2020

Kerajaan memberi pengecualian duti setem dan insentif oleh pemaju perumahan yang memberikan diskaun harga jualan sekurang-kurangnya 10%. Insentif pengecualian duti setem yang diberikan adalah seperti berikut:

BIL.	HARGA RUMAH (SEBELUM DISKAUN)	PENGECCUALIAN DUTI SETEM	TEMPOH PENGECCUALIAN
1.	<p>Harga rumah RM300,001 hingga RM2.5 juta yang dibeli daripada pemaju perumahan:</p> <p>(i) Berlesen di bawah Akta Pemajuan Perumahan (Kawalan dan Pelesenan) 1966 [Akta 118], Enakmen Pemajuan Perumahan (Kawalan dan Pelesenan) 1978, Sabah atau Ordinan Pemajuan Perumahan (Kawalan dan Pelesenan) 2013, Sarawak;</p> <p>(ii) Pendaftaran untuk menyertai HOC 2020 dengan REHDA, SHAREDADA atau SHEDADA; dan</p> <p>(iii) Diberikan diskaun sekurang-kurangnya 10% ke atas harga jualan rumah.</p>	<p><u>Surat cara pindah milik</u></p> <p>Pengeccualian duti setem 100% adalah terhad kepada RM1 juta pertama nilai rumah tersebut. Baki selebihnya adalah tertakluk kepada kadar 3%.</p> <p><u>Perjanjian Pinjaman</u></p> <p>Pengeccualian duti setem 100% ke atas keseluruhan perjanjian pinjaman</p>	<p>Bagi perjanjian jual beli yang disempurnakan pada 1 Jun 2020 sehingga 31 Mei 2021 dan disetamkan di mana-mana cawangan LHDNM.</p>

Nota: Pengeccualian duti setem ini **tidak layak** diberikan kepada penjualan rumah *subsale* (*secondary market*).

4. INISIATIF BAGI MEMBANTU PASARAN SEKUNDER
(*SECONDARY MARKET*)

i) **Pengecualian Cukai Keuntungan Harta Tanah (CKHT)** iaitu cukai yang dikenakan ke atas keuntungan dari hasil jualan hartanah. Pengurangan kadar cukai semasa tersebut akan dapat memberikan kesan positif dalam merangsang pasaran perumahan negara. Di bawah PENJANA, pengecualian CKHT diberikan kepada **individu warganegara Malaysia ke atas pelupusan rumah kediaman yang dibuat mulai 1 Jun 2020 hingga 31 Disember 2021**. Pengecualian ini dihadkan bagi pelupusan **3 unit** rumah kediaman sahaja untuk setiap individu.

ii) **Had Pembiayaan Bagi Pinjaman Perumahan / Loan to Value (LTV)**

Loan-to-Value (LTV) ialah nisbah had pembiayaan yang ditawarkan oleh institusi kewangan bagi peminjam perumahan yang mempunyai 2 atau lebih pinjaman perumahan sedia ada tertakluk kepada pengurusan risiko peminjam. Di bawah PENJANA, **had pembiayaan bagi pinjaman rumah ketiga dan seterusnya bernilai RM600 ribu ke atas** semasa tempoh HOC 2020 tidak lagi tertakluk kepada 70% daripada nilai rumah tetapi tertakluk kepada pengurusan risiko dalaman institusi kewangan.

Sekian, terima kasih.

**PEMBERITAHUAN PERTANYAAN DEWAN RAKYAT
MESYUARAT KEDUA, PENGGAL KETIGA,
PARLIMEN KEEMPAT BELAS**

PERTANYAAN : LISAN

**DARIPADA : TUAN KESAVAN A/L SUBRAMANIAM
[SUNGAI SIPUT]**

TARIKH : 23 JULAI 2020 (KHAMIS)

SOALAN

minta **MENTERI PEMBANGUNAN LUAR BANDAR** menyatakan sejauh manakah Kerajaan melaksanakan cadangan Laporan Inkuiri Nasional Mengenai Hak Tanah Adat Orang Asli yang disediakan Suruhanjaya Hak Asasi Manusia Malaysia (SUHAKAM) pada tahun 2013 terutamanya berkaitan dengan isu pengiktirafan hak Orang Asli terhadap tanah.

JAWAPAN

Tuan Yang di-Pertua,

Untuk makluman Yang Berhormat, pada 19 Julai 2013, Suruhanjaya Hak Asasi Manusia (SUHAKAM) telah membentangkan Laporan Inkuiri Nasional Mengenai Hak Tanah Adat Orang Asal/ Asli kepada Kerajaan dengan 18 syor telah dikemukakan. Lanjutan daripada pembentangan tersebut, Jemaah Menteri telah memutuskan supaya Pasukan Petugas ditubuhkan untuk mengkaji laporan inkuiri tersebut.

Pasukan Petugas Khas Mengkaji Laporan Inkuiri Nasional Suruhanjaya Hak Asasi Manusia Mengenai Hak Tanah Orang Asal/ Asli yang diketuai oleh Institut Integriti Malaysia (IIM) telah mengkaji 18 syor Laporan Inkuiri Nasional berkenaan.

Hasil daripada kajian tersebut, Jemaah Menteri pada 3 Jun 2015 telah bersetuju dengan 17 daripada 18 syor yang dikemukakan Laporan Inkuiri Nasional Suruhanjaya Hak Asasi Manusia Mengenai Hak Tanah Orang Asal/ Asli.

Sehubungan dengan itu, Jemaah Menteri telah menubuhkan Jawatankuasa Khas Kabinet Mengenai Hak Tanah Orang Asal/ Asli yang dipengerusikan oleh YAB Timbalan Perdana Menteri dan diurusetikan oleh Jabatan Integriti dan Tadbir Urus Negara (JITN) pada ketika itu bagi memastikan syor-syor yang telah dipersetujui dilaksanakan mengikut tempoh masa yang dinyatakan.

Untuk makluman Yang Berhormat jua, pada masa ini, peranan urusetia ini telah letakkan di bawah tanggungjawab Bahagian Hal Ehwal Undang-Undang (BHEUU), JPM. Jabatan Kemajuan Orang Asli (JAKOA) sentiasa bekerjasama dengan BHEUU dari masa ke semasa dalam memastikan syor-syor yang berkaitan Orang asli dapat dilaksanakan sewajarnya.

Dalam menangani isu tanah pula, JAKOA sentiasa mengadakan rundingan dan mengambil tindakan susulan bersama Kerajaan Pusat dan Negeri dalam memastikan usaha-usahaewartakan tanah rizab Orang Asli dapat dilaksanakan dengan sebaiknya. Usaha ini sentiasa dipergiatkan dari semasa ke semasa melalui sesi masyarakat, perbincangan, libat urus, lawatan turun padang serta penganjuran program – program bersama masyarakat Orang asli.

**PEMBERITAHUAN PERTANYAAN LISAN DEWAN RAKYAT
MESYUARAT KETIGA, PENGGAL KEDUA
PARLIMEN KEEMPAT BELAS**

PERTANYAAN : LISAN

DARIPADA : PUAN WONG SHU QI [KLUANG]

TARIKH : 23 JULAI 2020 [KHAMIS]

SOALAN

Minta **MENTERI PERUMAHAN DAN KERAJAAN TEMPATAN** menyatakan jumlah dan nama taman industri di setiap negeri di Malaysia. Adakah taman industri yang dibina di setiap negeri perlu mengikuti satu Prosedur Operasi Standard untuk memastikan infrastruktur berkualiti untuk pelabur.

JAWAPAN

Tuan Yang di-Pertua,

1. Untuk makluman Yang Berhormat, satu Kajian Pembangunan Kawasan Perindustrian di Malaysia telah dilaksanakan oleh *PricewaterhouseCoopers* (PWC) pada tahun 2011 untuk Unit Perancang Ekonomi, Jabatan Perdana Menteri (UPE, JPM). Kajian ini telah menyelaraskan definisi Kawasan Perindustrian dengan menggunakan definisi yang digunakan oleh *World Bank*, iaitu Kawasan Perindustrian (*Industrial Estates* - IE) didefinisikan sebagai satu zon kawasan khas untuk aktiviti perindustrian yang dilengkapi dengan kemudahan asas seperti rangkaian jalan raya, kuasa elektrik, dan lain-lain perkhidmatan utiliti untuk membantu pembangunan sektor industri perkilangan.

2. Menurut kajian yang sama, majoriti IE di Malaysia dibangunkan oleh agensi kerajaan seperti Perbadanan Kemajuan Ekonomi Negeri (PKEN), Pihak Berkuasa Pembangunan Wilayah dan Majlis Koridor Wilayah. Terdapat juga pemaju swasta terlibat dalam pembangunan IE di negeri-negeri tertentu. Selain itu, beberapa penemuan (*findings*) lain telah dikenal pasti, seperti berikut:

- (a) Tiada agensi/pihak berkuasa di peringkat persekutuan/negeri yang bertanggungjawab untuk mengumpul data/maklumat kawasan perindustrian di Malaysia;
- (b) Tiada rancangan pembangunan kawasan perindustrian secara holistik;
- (c) Pembangunan kawasan perindustrian adalah tidak seragam;
- (d) Tiada definisi yang jelas bagi setiap kategori kawasan perindustrian yang berlainan, contohnya, definisi berbeza berkaitan taman teknologi tinggi (*high technology park*);

- (e) Pihak berkuasa atau badan kawal selia yang berbeza di peringkat mendapatkan kelulusan bagi pembangunan sesebuah IE;
- (f) Pembangunan kawasan perindustrian tidak terancang yang menyebabkan senario tawaran berlebihan (*oversupply*); dan
- (g) Kawasan perindustrian yang tidak diselenggara dengan teratur.

3. Walau bagaimanapun, dengan kerjasama bersama Lembaga Pembangunan Pelaburan Malaysia (MIDA) dan Pihak Berkuasa Tempatan (PBT) di setiap negeri, PWC selaku perunding kajian tersebut telah berjaya mengenal pasti lebih kurang 600 buah kawasan perindustrian di Malaysia berdasarkan definisi *World Bank* tersebut pada tahun 2011, seperti berikut:

Negeri	Bilangan Kawasan Perindustrian
Perlis	8
Kedah	13
Pulau Pinang	14
Perak	65
Selangor	250
WP Kuala Lumpur	49
Negeri Sembilan	16
Melaka	21
Johor	41
Kelantan	16
Terengganu	25
Pahang	38
Sabah	16
Sarawak	23

4. Penubuhan taman-taman industri dan syarat-syarat pembinaan infrastruktur adalah di bawah bidang kuasa Kerajaan Negeri melalui Pihak Berkuasa Tempatan (PBT). Walau bagaimanapun, Kementerian Perumahan dan Kerajaan Tempatan melalui Jabatan Perancang Bandar dan Desa (PlanMalaysia) telah menyediakan dokumen Piawaian Perancangan Kawasan Perindustrian yang menggariskan beberapa aspek kawalan perancangan bagi pembangunan kawasan perindustrian meliputi garis panduan umum dan garis panduan khusus.

5. Piawaian ini hanya menyentuh aspek fizikal antaranya berkaitan komponen kawasan perindustrian, perancangan tapak, keperluan penyediaan zon penampakan, kemudahan yang perlu disediakan, keluasan dan saiz minimum lot, serta had ketinggian bangunan. Piawaian ini tidak mengandungi prosedur operasi standard (SOP) untuk memastikan penyediaan infrastruktur tertentu bagi tujuan menarik pelabur.

6. Walau bagaimanapun, mulai 1 Januari 2008, MIDA telah diberi tanggungjawab untuk mentadbir urus Program Menaiktaraf Infrastruktur Asas Kawasan Perindustrian Berintegrasi Sedia Ada (termasuk industri halal) atas arahan UPE, JPM. Program ini telah diluluskan secara *one-off* sejak Rancangan Malaysia Kesembilan (RMK-9) dan diteruskan pelaksanaannya oleh MIDA dalam RMK-10 dan RMK-11. Peruntukan program ini disalurkan oleh UPE, JPM melalui MITI kepada MIDA selaku Agensi Penyelaras. Secara amnya, kewujudan program ini adalah berdasarkan keperluan mendesak daripada pihak industri dan bertujuan untuk bekerjasama dengan PBT dalam menyelia dan menyelenggara infrastruktur sedia ada dalam IE secara konsisten serta mengekalkannya dalam keadaan kondusif.

7. Objektif program ini adalah untuk:

- (a) Membiayai aktiviti menaik taraf, memperbaiki infrastruktur asas, fasiliti dan kemudahan sedia ada dalam IE yang uzur seperti berikut:

- i. Jalan (termasuk bahu jalan), jambatan, tempat letak kenderaan berpusat, sistem perparitan dan saliran;
 - ii. Kemudahan gunasama seperti premis perniagaan dan medan selera yang dibina oleh Pihak Berkuasa Tempatan (PBT) / Perbadanan Kemajuan Ekonomi Negeri (PKEN); dan
 - iii. Lampu jalan dan papan tanda asas.
- (b) Menambah infrastruktur asas baharu yang boleh meningkatkan nilai tambah (*value-add*) sesebuah IE, seterusnya membantu meningkatkan efisiensi pengoperasian dan produktiviti pengilang/pengusaha sedia ada/baharu. Contohnya jejantas, lampu isyarat dan fasiliti lain yang mempunyai justifikasi munasabah; dan
- (c) Meningkatkan daya saing IE untuk menarik pelabur baharu.

Sekian, terima kasih.

**PEMBERITAHUAN PERTANYAAN LISAN DEWAN RAKYAT
MESYUARAT KEDUA, PENGGAL KETIGA
PARLIMEN KEEMPAT BELAS**

PERTANYAAN : LISAN
DARIPADA : YB TUAN WONG LING BIU
KAWASAN : SARIKEI
TARIKH : 23 JULAI 2020 (KHAMIS)

SOALAN NO. 52

minta **MENTERI KERJA RAYA** menyatakan adakah pembinaan Lebuhraya Pan Borneo mengikut yang telah dijadualkan. Adakah Jabatan Kerja Raya Sarawak mengendalikan keseluruhan projek ini.

JAWAPAN

Tuan Yang Di-Pertua,

Untuk makluman Ahli Yang Berhormat, projek Lebuhraya Pan Borneo Sarawak kini sedang dilaksanakan secara konvensional dengan kerjasama JKR Sarawak susulan daripada penamatan Perjanjian Rakan Pelaksana Projek (*Project Delivery Partner Agreement* – PDPA). Sehingga bulan Jun 2020, status kemajuan terkini adalah 49% bagi Fasa 1 projek Lebuhraya Pan Borneo Sarawak.

Bagi memastikan kelancaran pelaksanaan projek, penambahbaikan berterusan sedang dilaksanakan khususnya peningkatan kapasiti dan kepakaran teknikal sedia ada. Inisiatif-inisiatif tersebut adalah perlu bagi memastikan kelancaran dan kelangsungan projek Lebuhraya Pan Borneo Sarawak sebagai pemangkin pembangunan sektor sosio-ekonomi, perindustrian serta pelaburan di sepanjang jajaran projek tersebut.

Sekian, terima kasih.

**PEMBERITAHUAN PERTANYAAN LISAN DEWAN RAKYAT
MESYUARAT KEDUA, PENGGAL KETIGA,
PARLIMEN KEEMPAT BELAS
TAHUN 2020**

PERTANYAAN : LISAN

**DARIPADA : YB PUAN MARIA CHIN BINTI ABDULLAH
[PETALING JAYA]**

TARIKH : 23 JULAI 2020

SOALAN

PUAN MARIA CHIN BINTI ABDULLAH [PETALING JAYA] minta **MENTERI SUMBER MANUSIA** menyatakan untuk menjelaskan langkah pemantauan Kerajaan dalam memastikan subsidi gaji RM600 benar-benar diterima oleh pekerja dan apakah langkah Kerajaan dalam memastikan majikan yang menerima subsidi ini tidak memecat pekerja.

JAWAPAN

Tuan Yang di-Pertua,

1. Penularan wabak Covid-19 adalah kejadian luar biasa atau *unprecedented* di mana impaknya melibatkan seluruh dunia. Bagi membendung penularan wabak Covid-19, Kerajaan telah menguatkuasakan Perintah Kawalan Pergerakan (PKP) mulai 18 Mac 2020. Lanjutan itu, kebanyakan syarikat dan industri terpaksa memberhentikan operasi dan pengeluaran mereka.

2. Keadaan ini telah menyukarkan para majikan untuk terus membayar gaji dan mengekalkan pekerja. Justeru itu, kerajaan sedar tindakan segera perlu diambil bagi menstabilkan ekonomi serta membela nasib pekerja yang terkesan akibat wabak tersebut.

3. Bagi mengelakkan pemberhentian pekerja secara besar-besaran dan memastikan kedayatahan majikan terus kekal, Kerajaan Perikatan Nasional dibawah kepimpinan YAB Perdana Menteri telah mengambil langkah proaktif dengan memperkenalkan tiga program iaitu:

Program Pengekalan Pekerjaan

- (i) Program pertama adalah program subsidi kepada pekerja yang dikenali sebagai **Program Pengekalan Pekerjaan** ataupun ***Employment Retention Program (ERP)*** yang melibatkan penyaluran peruntukan Kerajaan berjumlah RM120 juta.
- (ii) Program ini bertujuan untuk membantu pekerja yang diberi notis Cuti Tanpa Gaji melalui bantuan kewangan segera dengan izin *immediate financial assistance* sebanyak RM600 sebulan bagi tempoh satu hingga tiga bulan. Sehingga 30 Jun 2020 seramai **322,422 pekerja** yang telah diberi notis Cuti Tanpa Gaji telah menerima manfaat.

Program Subsidi Upah

- (i) Program kedua adalah program subsidi bagi membantu majikan yang dikenali sebagai **Program Subsidi Upah (PSU)** yang melibatkan pengagihan dana Kerajaan berjumlah RM13.8 billion. Tujuan program ini adalah untuk membantu majikan supaya dapat meneruskan operasi syarikat serta mengekalkan pekerjaanya.
- (ii) Semasa pelancaran awal, program ini dimulakan dengan dana sebanyak RM5.8 billion. Atas permintaan pihak-pihak industri kerajaan telah membuktikan keprihatinannya dalam menjaga kebajikan pekerja dengan menambah dana sebanyak RM8 billion. Dengan itu, jumlah keseluruhan dana bagi program Subsidi Upah di bawah **PRIHATIN** adalah RM13.8 billion.

NO. SOALAN : 53

- (iii) Untuk pengetahuan ahli-ahli Dewan yang mulia ini, bantuan Program Subsidi Upah adalah berdasarkan kepada saiz perusahaan iaitu seperti berikut:
- (a) Pertama untuk majikan yang menggajikan pekerja 75 orang pekerja dan ke bawah, dimana kadar bayaran subsidi upah adalah RM1,200 sebulan bagi setiap pekerja;
 - (b) Manakala untuk majikan yang menggajikan antara 76 hingga 200 orang pekerja, kadar bayaran subsidi upah adalah RM800 sebulan bagi setiap pekerja;
 - (c) Seterusnya bagi majikan yang menggajikan 201 orang pekerja dan ke atas, kadar bayaran subsidi upah adalah RM600 sebulan bagi setiap pekerja.

Pelan Jana Semula Ekonomi Negara (PENJANA)

- (i) Sebagai langkah memulihkan ekonomi negara kerajaan melaksanakan program ketiga iaitu **Pelan Jana Semula Ekonomi Negara** atau **PENJANA**.
 - (ii) Inisiatif ini adalah untuk merancakkan pengambilan pekerja oleh majikan melalui program dengan izin ***MyApprentice, HireMalaysia, hiring incentive, mobility assistance*** dan latihan ***reskilling and upskilling***. Sejumlah RM1.5 billion diperuntukkan untuk program ini.
4. Untuk makluman Ahli-Ahli Dewan yang mulia ini, sehingga 30 Jun 2020 di bawah Program Subsidi Upah (PSU), hampir 38 peratus iaitu RM5.2 bilion daripada jumlah keseluruhan dana telah diagihkan kepada majikan yang layak oleh PERKESO. Pengagihan tersebut melibatkan 319 ribu majikan untuk 2.6 juta orang pekerja.
5. Sementara itu, industri yang mempunyai tuntutan tertinggi di bawah program ini adalah sektor perkhidmatan iaitu kira-kira 92 ribu permohonan atau 29% daripada keseluruhan jumlah permohonan yang diterima.

Tuan Yang di-Pertua,

6. Berdasarkan rekod pemberhentian pekerja yang dilaporkan kepada Sistem Insurans Pekerjaan (SIP) PERKESO seramai 48,727 orang telah kehilangan pekerjaan daripada Januari hingga 30 Jun 2020.
7. Angka 788 800 ribu adalah merujuk kepada jumlah pengangguran yang telah dilaporkan oleh Jabatan Perangkaan Malaysia bagi tempoh April 2019 sehingga April 2020. Pengangguran ini adalah terdiri daripada mereka yang bekerja sendiri, *fresh graduate*, lepasan sekolah, termasuk juga mereka yang telah diberhentikan kerja. Jumlah pengangguran yang tinggi ini telah pun wujud sebelum Program Subsidi Upah diperkenalkan pada bulan April.
8. Saya ingin menegaskan bahawa Program Subsidi Upah adalah untuk membantu majikan agar dapat kekal beroperasi disamping mengekalkan pekerja-pekerja mereka. Sekali lagi saya ingin menyatakan bahawa keadaan luar biasa ini memerlukan tindakan yang luar biasa.
9. Buat pertama kalinya, kerajaan hari ini, Kerajaan Perikatan Nasional melakar sejarah dengan memperuntukkan dana Khas bertujuan untuk memastikan majikan terus kekal dan sekaligus dapat membina semula pertumbuhan ekonomi negara.
10. Pada masa yang sama Kerajaan sedar, komited dan prihatin dengan persoalan berhubung pengangguran. Oleh itu, seperti mana yang saya perelaskan sebentar tadi dalam pakej PENJANA, program-program seperti *MyApprentice*, *HireMalaysia*, *hiring incentive*, *mobility assistance* dan latihan *reskilling and upskilling* diperkenalkan untuk menggalakkan pengambilan pekerja dalam masa yang sama menyelesaikan isu pengangguran.
11. Kementerian telah menerima aduan berhubung dengan kegagalan majikan untuk menyalurkan subsidi upah yang telah diterima.

12. Untuk makluman ahli dewan yang mulia ini, bagi permohonan yang telah diberi kelulusan dan dibuat pembayaran, senarai nama majikan akan dipaparkan di laman web PERKESO untuk tujuan semakan para pekerja dan untuk membolehkan mereka membuat aduan sekiranya tidak berpuas hati terhadap majikan mereka.

13. Sehubungan dengan itu, sekiranya aduan diterima, tindakan yang boleh diambil oleh Kementerian saya melalui PERKESO adalah seperti berikut:

- (i) Menyenarai hitamkan majikan tersebut;
- (ii) Proses pembayaran untuk bulan berikutnya akan dihentikan;
- (iii) Pengesahan aduan dan laporan polis akan dibuat bagi kes penyalahgunaan Program Subsidi Upah.

14. Saluran Kaunter Khidmat Pelanggan serta Talian Khas berkenaan PSU dan ERP turut diwujudkan bagi menyediakan perkhidmatan serta menangani urusan berkaitan permohonan dan aduan. PERKESO turut mewujudkan **task force khas** untuk mengawal selia semua permohonan dan aduan-aduan berkaitan bagi memastikan pematuhan majikan-majikan yang menerima subsidi ini memenuhi terma dan syarat yang ditetapkan. PERKESO telah menghubungi majikan yang mengingkari terma dan syarat terbabit dan akan mengambil tindakan susulan ke atas kesemua majikan tersebut.

15. Untuk makluman ahli dewan yang mulia ini, **dana tambahan** Pelan Jana Semula Ekonomi Negara (PENJANA) **sebanyak RM5 bilion adalah daripada peruntukan Kerajaan dan bukan daripada dana PERKESO.**

16. Akhir kata, untuk menjawab keraguan berkaitan kemampuan PERKESO pada masa hadapan, ingin saya jelaskan dana PERKESO mampu menampung faedah-faedah yang ada di bawah Akta Sistem Insurans Pekerjaan 2017.

Sekian, terima kasih.